

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 5 1952

T 7903/2955(18)

古今醫統大全卷之四十六目錄

壽康

癆瘵門

病機

癆瘵余論

癆瘵骨蒸候

二十四種癆蒸候

癆瘵起自陰虛

久癆生瘵蟲

癆瘵九蟲候

傳屍與屍症則一

癆極蘊遊論

脉候治法

癆疾内外交治可獲全功 丹溪治義

藥方

哈佛大學哈佛藥京
圖書館珍藏

癆瘵通用諸方

地骨皮散

清骨散

麥門冬湯

黃耆益損湯

白朮黃耆散

當歸地黃湯

黃耆蠶甲散

秦艽蠶甲散

秦艽扶羸湯

蠶甲地黃湯

黃耆飲子

旋神飲子

黃耆散

潤神散

進白散

阿膠丸

青蒿散

樂令建中湯

劫癆散

再生散

生犀散

紫苑湯

天門冬散

天門冬丸

胡黃連丸

地黃煎丸

犀角丸

前胡飲

石斛散

雜著癆瘵方

葛可久十藥神方

七聖神效散

當歸膏

地黃膏

參朮膏

河車補陰丸

癆瘵取蟲諸藥

與諸蟲門參看

芎歸血餘散

北斗符呪

鱉甲生犀散

虎牙丸

雄麝丸

五枝散

神授散

藍汁方

青桑枝散

治療蟲三方

取蟲藥

釣蟲丸

釣蟲神功奪命散

服紙丸子法

取傳屍癆蟲鬼哭飲子

傳屍蟲論

六代屍蟲形狀治法

取六代屍蟲五補方

扶神散

取癆蟲灸穴法

四季取蟲宜用

追屍蟲明目丹

貫衆丸

通神散

守庚申法

遇仙灸法

將軍丸

三汁丸

五蒸湯

經驗方

麥煎散

地骨皮枳殼散

團魚丸

續斷散

人參散

柴胡梅連散

清肌十全散

清神甘露飲

太上混元丹

犀角紫河車丸

無比丸

奪命散

龍膽丸

天竹黃飲子

麝香散

桃仁散

輕骨散

蛤蚧散

驚甲散

柴胡散

又柴胡散

百勞散

灸法

黃帝灸法圖

導引法

易簡諸方 七道

聲音門

病機

聲音敘論

瘖音為火者多

聲音病分三因

六淫之氣並於聲音

脉候治法

治暴失音用子和三法

治久病瘖宜補元氣月開

藥方

通聲發散劑

三物湯

金沸草散

二物湯

荊蘓湯

不換金正氣散

小柴胡湯

痰癆失音諸劑

二陳湯

薑橘湯

玉粉丸

竹瀝導痰湯

火勝金虧失音諸劑

訶子甘桔湯

嚮勝破笛丸

犀角地黄湯

朱砂丸

竹衣麥門冬湯

杏仁煎

百合

金花散

人參平補湯

治蜜桃仁湯

蜜陀僧散

七氣湯

通聲煎

易簡方 七道

卷之四十七目錄

虛煩門

病機

虛煩敘論

虛煩病多是正氣不足陰虛火熾得之

脈候治法

治煩躁宜用清痰藥

煩躁其者究其已病未病之源

虛煩證多因證後得須憑脈處治

藥方

通治虛煩諸劑

五苓散

辰砂妙香散

淡竹茹湯

小草湯

橘皮湯

人參竹茹湯

酸棗仁湯

人參竹葉湯

竹茹麥門冬湯

竹葉石膏湯

溫膽湯

竹葉湯

地仙散

清心蓮子飲

黃連阿膠湯

乾薑附子甘草湯

古今醫統大全卷之四十七目錄

古今醫統大全卷之四十六

新安徐春甫編集

勞瘵門

病機

勞瘵敘論

內經曰有所勞倦有氣衰少穀氣不盛上焦不行下脘不通胃氣
熱熱氣薰胃中故內熱

又曰陰氣者靜則神藏躁則消亡又云陰虛生內熱

小學曰勞瘵陰虛

巢氏病源曰夫虛勞者五勞七傷六極是也一曰志勞二曰思勞

三曰心勞四曰憂勞五曰瘦勞又有肺勞者短氣而面浮鼻不聞
香臭肝勞者面目乾黑口苦精神不守恐畏不能獨卧目視不明
心勞者忽忽喜忘大便苦難或時鴨澇口内生瘡脾勞者舌本苦
直不得咽唾腎勞者背難以俛仰小便不利色赤黃而有餘溺莖
內痛陰囊濕生瘡小腹滿急

六極者一曰氣極令人內虛五藏不足邪氣多正氣少不欲言二
曰血極令人無顏色眉髮落墜忽忽喜忘三曰筋極令人數轉筋
十指爪甲皆痛苦倦不能久立四曰骨極令人瘦削齒苦痛手足
煩疼不可以立不欲行動五曰肌極令人羸瘦無潤澤飲食不生
肌肉六曰精極令人少氣喑啞然內虛五藏氣不足髮毛落悲傷

喜忘

七傷者一曰陰寒二曰陰痿三曰裏急四曰精
五曰精少陰
下濕六曰精清七曰小便苦數臨事不舉

又云七傷一曰大飽傷脾胃傷善噫欲卧面黃二曰大怒逆氣傷
肝肝傷少氣目闇三曰強力舉重久坐濕地傷腎腎傷少精腰背
痛厥逆下冷四曰形寒寒飲傷肺肺傷少氣咳嗽鼻鳴五曰憂愁
思慮傷心心傷苦驚喜忘喜怒六曰風雨寒暑傷形形傷髮膚枯
夭七曰大恐懼不節傷志志傷恍惚不樂

愚謂五勞者心肝脾肺腎也勞於心者則神耗而血衰驚悸之
疾亦因之而作矣勞於肝者則怒多而火盛淚外泄而目昏或

古今醫統卷之四十六
脇刺痛筋憊不能久立遠行勞於肺者因過憂而耗氣則燥勝而液枯乾咳聲啞二便秘澁皆由此而作也勞於脾者勞倦傷脾發熱惡寒嘔吐不食四肢無力好卧倦言漸而致於腎憊陰虛則成怯證勞於腎者色欲過度淋濁遺精陰不上升陽不下降腎水既不升榮心肺皆無所蔭咳嗽吐紅咯血之證作也今世之所謂勞者皆無出於此六極者風寒暑濕燥火摩不冒觸極甚而即病之重而不可救者有矣或有醫之愈而終為淫氣所傷元氣有損莫之能完復也致為終身之損者蓋多矣七傷者喜怒憂思悲恐驚七情過傷是也惟過於思者寢成癆瘵今之癆瘵而多起于脾腎之勞憂思之過者也先哲所謂五勞六

極七傷蓋因證而言也

袖診云癆瘵之證非止一端其治也未有不因氣體虛弱勞傷心腎而得之又有外感風寒暑濕之氣先為瘧疾以致咳嗽寒邪入裏失於調治又不能保養過於房勞傷於飲食久而成癆瘵之候其為證也令人肌肉羸瘦皮毛乾枯寒熱盜汗遺洩白濁或腹中有塊或腦後兩邊有小結核或聚或散或咳嗽痰涎或咯唾膿血及傳變為二十四種或三十六種或九十九種又有所謂五屍者曰蜚屍遁屍寒屍喪屍泣屍者是也名狀雖不同傳變雖不一其實所傷不過五臟故傳於肝者面白目枯口苦自汗心煩驚怖傳於心者面黑鼻乾口瘡喜忘大便或秘或洩傳於脾者面青唇

古今醫經癩瘡卷之四十一
黃舌強喉哽吐涎體瘦飲食無味傳於肺者面赤鼻白痰吐咯血
喘咳毛枯傳於腎者面黃耳枯骨滿腹痛白濁遺溺是也

癩瘡骨蒸候

巢氏曰夫蒸病有五一日骨蒸其根在腎旦起體涼日晚即熱煩
躁寢不能安飲食無味小便赤黃忽忽煩亂細喘無力腰疼兩足
逆冷手心常熱蒸盛過傷內則變為疳食人五臟二曰脉蒸其根
在心日增煩悶擲手出是翕翕思水口唾白沫睡則浪言或驚恐
不定脉數若蒸盛之時或變為疳臍下悶或暴利不止三曰皮蒸
其根在肺必大喘鼻乾口中無水舌上白小便赤如血蒸盛之時
骨滿或自稱得注熱兩脇下脹大嗽徹背連胛疼眠寐不安或蒸

毒傷臟口內唾血四曰肉蒸其根在脾體熱如火煩躁無汗心腹
鼓脹食即欲嘔小便如血大便秘澁蒸盛之時身腫目赤寢卧不
安五曰內蒸亦名血蒸所以名內蒸者必外寒而內熱把手跗骨
而味或皮燥而無光蒸盛之時四肢漸細足跖腫起又有二十三
蒸之論多因熱病後食牛羊肉及肥膩酒色觸犯而成此疾久蒸
不除多變成疳必須先防下部不得輕妄治也

二十四種勞蒸候

袖註曰蒸在心也少氣煩悶舌心焦黑蒸在小腸也腹內雷鳴
大腸或秘或洩蒸在肝也目眩昏運躁怒無時蒸在膽也耳聾口
苦脇下堅痛蒸在腎也耳輪焦枯腰肌酸痛蒸在右腎也情意不

定洩精白絮蒸在肺也喘咳咯血聲音嘶遠蒸在大腸也右鼻乾
疼大腸隱痛蒸在脾也唇口乾燥腹脇脹滿畏寒不食蒸在胃也
鼻口乾燥腹脹自汗睡卧不寧蒸在膀胱也小便黃赤凝濁如膏
蒸在三焦也或寒或熱中脘膈中時覺煩悶蒸在膈也心胃噎塞
疼痛不舒蒸在宗筋也筋脉縷細小腸隱疼陰器自強蒸在回腸
也肛門私澁傳道之時裏急後重蒸在玉房也男子遺精女子白
帶蒸在腦也眼眵頭眩口吐濁涎蒸在脾也肌膚鱗起毛折髮焦
蒸在骨也版齒黑燥大杼痠疼蒸在髓也肩背痠倦行骨痠疼蒸
在筋也眼昏脇痛爪甲焦枯蒸在脉也心煩體熱痛刺如鍼蒸在
肉也自覺身熱多不柰何四肢瞶動蒸在血也毛髮焦枯有時鼻

衄或復尿血蒸傳諸此其治多難也惟早灸膏肓及崔氏四花穴
法內觀自養外投對證之藥庶可逃生失於早查不能寡欲者必
不免於死亡

癆瘵起於陰虛

丹溪曰癆瘵主乎陰虛痰與血病

虞氏曰今也癆瘵嗜慾不節起居無時七情六慾之火時動乎中
飲食勞倦之過屢傷乎體漸而至於真水枯竭陰火上炎發為蒸
蒸燥熱或寒熱進退似瘵非瘵古方名曰蒸病是也雖然名證不
同大抵不過咳嗽發熱咯血吐痰白濁白淫遺精淡汗或心神恍
惚夢與鬼交婦人則月閉不通日漸羸漸成癆瘵之候其侍奉

親密之人同氣連枝蒸淘日久受其惡氣多遭傳染名曰傳屍一人患瘵而後傳注數十百人甚而致於滅門者誠有之矣

久瘵生瘵蟲

虛瘵執毒積久則生異物惡蟲食人臟腑精華變生諸般奇狀誠可驚駭勞傷肝膽者則為毛蟲如刺蝟虱之狀食人筋膜勞傷于心與小腸者則為羽虫如燈蛾蚊蚋禽鳥之形食人血脉勞傷于脾胃者則為螺虫如櫻兒蚯蚓之類食人肌肉勞傷于肺與大腸者則為介虫如龜鱉蝦蟹之屬食人膚膏勞傷于腎與膀胱者則鱗虫如魚龍蛟鯉之形食人骨髓或抄相火之勢亦如羽虫之酷鴟梟之類為狀不一不可勝紀凡人有此證便宜早治緩則不

及事矣治之之法一則補其虛以復其真元一則殺其虫以絕其根本能殺其虫則雖不生亦可以絕後人之傳注耳

瘵瘵九虫候

瘵瘵九虫者一曰伏虫長四寸為群虫之長二曰虵虫長一尺貫人心則殺人三曰寸白虫長一寸子孫生長至四五尺亦能殺人四曰肉虫狀若爛杏令人煩滿五曰肺虫狀如螭蟲令人咳嗽六曰胃虫狀如蝦蟆令人嘔逆吐噦七曰弱虫又名渴虫狀如瓜瓣令人多唾八曰赤虫狀若生肉令人腸鳴九曰蟻虫至微細形似菜虫居回腸多則為痔極則為痢及生癰疽癩疥痿癘齒無不為也凡此諸虫依人腸胃之間藏府實則害人藏府虛則蝕人

藏府血髓變成諸患至於不療人將氣絕則緩九竅膚腠飛梭而出着於怯弱之人人不能知日久遂成癆瘵之證此所謂傳屍也凡人平保養元氣愛惜精血瘵不可得而傳惟夫縱欲多淫苦不自覺精血內耗邪氣外乘是不特男子有傷女人亦不免矣然而氣虛血痿最不可入癆瘵之門吊喪問疾衣服器用中皆能垂虛而染觸間有婦人入患者之房患人見之思想則其勞氣隨入染患日久莫不化而為虫故凡親近之人不能迴避須要飲食適宜不可着餓體若虛者可服補藥身邊可帶安息香大能殺勞虫內有麝香尤能避惡醫者不可須臾無也

傳屍與屍注則一

東方曰屍注者挾外鬼邪之氣流注身體令人寒熱淋瀝沉沉默默不知所苦或腹痛脹滿喘急氣息上衝心胃旁攻兩脇或累塊湧起或牽引腰脊或舉身沉重精神錯雜常覺昏憤每節氣更變輒至大惡積月累年必至於死死後復注傍人乃至滅門故為屍注觀乎傳注之說則傳屍之易名可知也外有所謂十注者非屍注之例也注者注也注之為言住也今世之人惟知傷寒熱後肢節腫痛名曰傷寒留注言其邪毒未盡而留住關節發為腫毒者是也所謂十注鮮有知之夫十注者皆由陰陽失守經絡空虛而風寒暑濕飲食勞倦一切之邪氣或乍感生死之氣卒感鬼神之邪留住人身變病多端至於三十六種而方書未能顯載惟有

十種之證一曰風症皮膚掣振遊易不定一年之後頭髮墮落頰項掣痛骨拉解鳴兩目痛鼻中痰牙齒虫蝕變為温風汗風柔風水風火風絕風顛狂風寄風單風等病人死三年之後神魂因作風塵着人遂成風病名曰風注風注雖有諸風之候大抵只是風證久而不退即為風注其謂人死三年神魂着人亦謬說也二曰氣注走入人機妄言百日後體皮腫起乍來乍去一年後體滿失色三年後變成惡虫難治三曰寒注心腹懊疾嘔沫二年後大便去血吐逆青沫心疼腹滿腰脊強痛四曰生人疰心脇痛轉筋無常二日後體中痛移易牽掣衝絞心脇一年後目赤面色青黑二年後咳逆下痢變生惡虫難治五曰涼症心下乍熱乍寒一年一復四肢喜卧噫酸體常浮腫往來不時而皮黑

羸瘦生瘡目黃爪甲及唇口青黑六曰酒注體氣動執氣從骨中上下無處不痛一年外四肢腫喜噦七曰食症心下痛懊懷微背一年後羸瘦體腫先後脚起肉變黑臍內時痛八曰水症手足腫百日體肉變髮落目失明一年後難治三年身腫轉盛體肉生虫死九曰屍症體痛牽掣七日後體肉變白咽喉吞如有物兩脇痛十曰土症人之五藏配合五行土內主於脾氣為五行五藏之主其所禁忌尤難觸犯人有居住穿鑿地土不擇不禁觸犯土氣與人血氣相感便致疾病其狀去氣流注皮膚連腑臟骨節沉重遍身虛腫自破謂之土症

滑伯仁曰患勞證者有病機之不同有形狀之不一肌膚羸瘦骨

三古今醫書卷之四十一
熱如蒸服藥無效鍼灸無功何也曰勞為虛勞是體氣虛弱房勞
過傷氣血虛耗諸病蜂生致使陰陽失序寒熱自生陽虛生寒陰
虛生熱久虛久熱變為骨蒸久嗽成勞久癆成症症有二十四種
三十六種九十九種之類種種不同內有勞注屍疰鬼疰食疰虫
疰毒疰此六者為傳屍之勞甚而致於滅門絕戶神醫曾云之能療
也患此者當圖治於微病之初莫治於已病之後若正氣既衰邪
氣獨盛故醫藥無功也可不慎哉

癆極蘇遊論

癆瘵至於傳屍之候其證心胃滿悶背膊煩痛兩目不明四肢無力
雖欲寢卧睡常不寐脊脊急痛腰膝痠疼多卧少睡起狀如佯

病每至早旦精神尚存有如無病日午之後四肢微熱面無顏色
或兩頰飛紅喜見人常懷忿怒統不稱意即多嗔恚行立脚更夜
卧盜汗夢與鬼交或見先亡或多驚怖有時氣息有時喘嗽雖思
飲食不能多食死在須臾精神尚好或時微利兩脇虛脹口燥鼻
乾常多粘唾有時唇赤漸就沉羸猶如涸魚不覺死也

又云傳屍之候本起無端莫問老幼男女皆有此疾大抵五行相
剋而成先內傳毒氣周遍五藏漸至羸瘦而死死後又傳親身一
人故曰傳屍亦名傳疰○又名殭殍以其初傳半卧半起之候也
氣息嗽者名曰肺痿疾○肌熱透骨名曰骨蒸○內傳五藏名曰
伏連不解治療乃至滅戶○男女虛弱得之名曰勞極○吳楚名

曰淋瀝○巴蜀亦名勞其源先從腎起初受之氣兩脰痠疼腰背拘急行立脚更飲食減少兩耳風聲夜夢遺泄盜汗陰痿腎既受訖次傳於心心初受氣夜卧心驚或多恐悸心懸之氣吸吸欲盡夢見亡人亦多盜汗飲食無味口内生瘡心氣煩熱惟欲眠卧朝輕夕重兩頰口唇悉皆紅赤有時手足五心煩熱心受已次傳於肺○肺初受病咳嗽氣力微痛有時喘氣卧即更甚鼻口乾燥不聞香臭或喉間腥氣焦氣吐嘔惡心肌膚枯燥或似垂行皮膚細起狀若髮片肺既受已次傳於肝○肝初受病兩目眈眈面無血色尚欲顰眉眼視不遠日常乾澀有時赤痛或復睛黃朝昏暮常欲合眼睡卧不寐肝既受已次傳於脾○脾初受病兩脇虛脹

食不消化又時瀉利水穀生虫有時腹痛雷鳴唇口焦乾或生瘡腫毛髮乾後耳潤或時上氣撐肩喘息痢下赤黑汁見者不可治

癆瘵諸候

患人增寒壯熱自汗面白目乾口苦精神不守恐畏不能獨卧其傳在肝○患人寒熱面黑鼻燥忽忽喜忘大便難或清瀉口瘡其傳在心○患人增寒壯熱面青唇黃舌強不能飲食無味四肢羸瘦口吐涎沫其傳在脾○患人增寒發熱面赤鼻乾口燥毛折咯嗽喘急時吐白沫或有血絲其傳在肺○患人寒熱面黃耳輪焦枯筋骨損痛小便血濁遺溺其傳在腎

脉候

巢氏病源曰男子平人脈大為勞極○虛亦為勞

男子勞之為病其脈浮大手足煩春夏振秋久差陰寒精自出

寸口脈浮而遲浮則為虛遲則為勞虛則衛氣不足浮則榮氣竭

脈直上者浮逆虛也

脈澁無陽是腎氣少○寸關澁無血氣逆冷是大虛

脈浮微緩皆為虛緩而大者勞也

脈微濡相搏為五勞微弱相搏虛損為七傷

脈動而暫止因不能通而復動是脈結也虛勞血氣虛少脈雖乘

氣而動血氣虛則不能連屬故脈為之結也予每診得結脈惟妊婦無妨及見平人痰

火之人得之近則半年一年而已遠則三年無不死者若是結脈而又乍疎乍數必速死也

虛勞病左手脈細右手浮大勁急而不退者為正氣虛邪氣盛主

必死也○久勞人脈細而數亦主死而難治

脈經曰男子平人脈虛弱微細者喜盜汗出也

男子面赤薄白主渴及亡血卒喘心悸其脈浮者裏虛也

脈虛沉弦無寒熱短氣裏急小便不利面色白時時目瞑此人喜

衄小腹滿此為勞使之然

男子脈微弱而澁為無子精氣清冷也

失精家小腹強急陰虛頭寒自眩痛一云目眩髮落脈極虛芤遲為消

殺亡血失精

脈得諸芤動微緊男子失精女人夢鬼交通

三古今醫書總彙 卷之四十一
脈沉小遲者名脫氣其人疾行則喘喝手足逆寒腹滿甚則溇泄
食不消化

脈絃而大按之中空外急此名為革婦人則半產漏下男子則亡
血失精

治法

治癆疾須內外交治可獲全功

王節齋云人若色慾過度傷損精血必生陰虛火動之病睡中盜
汗午後發熱哈哈咳嗽倦怠無力飲食少進甚則痰涎泄血咯唾
出血或咳血吐血衄血身熱脈沉數肌肉消瘦此名癆瘵是重難
治輕者用藥數十服重者期以歲年然必須病人惜命堅心定志

絕房室息妄想戒惱怒節飲食以自培其根此謂內外交治可獲
全功

十藥神書云夫人之生也稟天地氤氳之氣在乎保養真元固守
根本則萬病不生四體康健若曰不養真元不固根本疾病由是
生焉且真元根本則氣血精液也葛先生曰萬病莫若癆證取為
難治蓋癆之起因人之壯年氣血充聚精液充滿之際不能保養
性命惟以酒色是貪日夜耽嗜無有休息以致耗散真元虛敗精
液則嘔血吐痰以致骨蒸體熱腎虛精竭面白額紅口燥咽乾遺
精白濁盜汗飲食艱難氣力全無謂之火盛金衰重則半年而斃
輕則一載而亡醫者不窮其本或投之以大寒之劑或療之以大

熱之藥殊不知大寒則愈虛其中太熱則愈竭其內所以世之治
癆者萬無一人葛師用藥治癆如羿之射無不中的十藥次第之
法且後學者詳審之毋惑焉

久癆瘵者不能服參芪為不受補肉脫而脉數者必死○癆嗽人
聲音啞者主死○凡癆病者一過不能睡亦死○久癆之人大便
泄者死

丹溪云虛勞漸瘦屬火陰火銷燦即是積熱而成始可用子和法
虛弱者四物湯加炒柏知母童便姜汁竹瀝虛甚者加參朮

又云其證歲中有虫啣心脉名曰瘵疾傳屍勞瘵寒熱交攻久嗽
咯血日見羸瘦先與三拗湯與蓮心散煎萬不失
三拗湯蓮心散似難為勞

瘵要藥特治其初而淺者可矣
若羸憊者葛氏十方其庶幾乎

氣血虛甚發熱成勞者補天丸加骨蒸藥佐之黃柏知母地骨皮

麥門冬秦艽青蒿鱉甲石膏竹葉馬毒之類是也

勞極之證五藏必歸重于一經假如足脛痠疼腰背拘急遺精白

濁面色黧黑耳輪焦枯脉沉細知其邪在腎也宜以四物湯加知

母黃柏五味子麥門冬天門冬澤瀉杜仲肉桂之類煎之童便韭

汁竹瀝服之

心神驚惕怔忡無時盜汗自汗心煩熱悶口舌生瘡咯血面赤脉

洪而數知其邪在心也宜以前方去杜仲澤瀉肉桂之類加茯神

胡黃連蓮心遠志菖蒲朱砂之類

咳嗽喘促衄血嗽血皮膚枯燥鼻塞聲重時吐痰沫脉微虛而瀉
數知其邪在肺也以四物湯加沙參麥門冬五味子知母貝母桔
梗桑白皮地骨皮冬花紫苑馬兜苓百合百部之類煎入僮便竹
瀝姜汁韭汁服之

脇痛目赤面青頰赤多怒虛陽不斂夢與鬼交甚則外縮筋急脉
絃而數知其邪在肝也宜以四物湯加竹茹草龍膽柴胡黃芩竹
葉青皮之類

面色萎黃唇腮焦燥飲食無味腹痛腸鳴瀉痢四肢倦怠脉虛濡
而數知其邪在脾也宜以四君子湯加酒炒白芍藥蓮肉薏苡仁
白扁豆乾山藥猪苓澤瀉之類

骨蒸癆瘵元氣未脫者灸崔氏四花六穴無有不安者也穴法詳
見錢灸直指經穴發明卷

藥方

癆瘵通用諸方

拔地骨皮散 治骨蒸壯熱肌肉消瘦困倦夜多盜汗

地骨皮 秦艽 柴胡 知母

當歸 枳殼炒 鱉甲醋炙

右咀等分每服五錢水一盞桃柳枝頭各七箇姜三片烏梅一
箇煎去渣臨卧服

經清骨散 治男子婦人五心煩熱欲成勞瘵

生地黄 一錢

人參 五分

防風 五分

北柴 一錢

薄荷葉

秦艽

赤茯苓

熟地黄 各五分

胡黃連 三分

右咀水盞半煎八分温服患骨熱者先服荆蓬

煎丸一服使臟腑微利然後服此荆蓬丸

方見積聚門

良麥門冬湯

治心中煩熱惟欲露體覆之即悶驚悸心忪面無顏色忘前失後婦人患血風氣者多成此疾乃心蒸之狀

麥門冬

茯神

防風

地骨皮 各八分

人參

遠志

龍齒

羚羊角屑

炙甘草

石膏

石英 各三分

右咀水盞半煮二枚煎七八分去渣温服未瘥再服以瘥為度甚

益心力胃經吐血者服之尤佳若畏藥者去紫石英

黃芪益損湯

治男子婦人童男室女諸虛不足榮衛虛弱五勞

七傷骨蒸潮熱腰背拘急百節痠疼夜多盜汗心常驚惕咽燥

唇焦少力嗜卧肌膚瘦瘁咳嗽多痰咯吐血絲寒熱往來頰赤

神昏全不思食服熱藥則煩躁衝滿上焦服寒藥則滿而腹

痛及治大病後榮衛不調及婦人產後血氣未足宜服此藥

黃芪

人參

石斛

木香

白朮

當歸

肉桂

茯苓

芍藥

川芎

熟地黄

山藥

丹皮

麥門冬

五味子

甘草 各等分

右咀每服五錢水盞半姜五片棗二枚小麥五十粒烏梅箇煎七分食前服

宣白木苦苣散 治五心煩熱自汗四肢痿弱飲食減少肌瘦昏昧並皆治之

白木

黃芪

當歸

芍藥

人參

黃芩各五分

石膏

甘草各一錢

川芎

寒水石各二分

茯苓五分

官桂三分

右水二盞煎八分食前一日三服

宣明當歸地黃湯 治欬衄血大小便血或婦人經候不調月水過多

咳嗽者

當歸

川芎

生地黃

黃芩

芍藥各五分

染槐子

黃藥子

甘草各四分

白木

白茯苓

龍骨各六分

右水一盞煎七分食前温服

局黃芪驚雷散 治虛勞客熱肌肉消瘦四肢煩熱心悸盜汗食少

多渴咳嗽有血

黃芪蜜炙

驚雷醋浸炙去裙

知母

桑白皮

紫苑

桔梗

甘草各五分

地骨皮

秦艽

柴胡

生地黃

赤芍藥各七分

天門冬

白茯苓各八分

人參

肉桂各四分

右水盞半煎八分食後溫服

局秦艽鱉甲散 治血氣勞傷四肢倦怠面黃肌瘦骨節煩疼潮熱

盜汗咳嗽唾痰山嵐瘴氣並皆治之

秦艽 鱉甲製 荊芥 前胡

柴胡 貝母 白芷 天仙藤

陳皮 青皮 甘草炙各五分 葛根一錢

肉桂 羌活各三分

右水盞半姜二片煎八分執服

局秦艽扶羸湯 治肺痿骨蒸已成勞嗽或寒或熱聲啞不出體虛

自汗四肢怠惰

秦艽 柴胡 人參 鱉甲製

當歸 紫苑茸 芎藭 甘草各五分

右水盞半姜五片大棗烏梅各一枚煎八分食後溫服

濟營甲地黃湯 治虛癆手足煩熱心下怔忡身體羸瘦

鱉甲醋炙 熟地黃酒洗 柴胡 當歸

石斛 秦艽 茯苓 麥門冬

白朮各一錢 人參 肉桂 炙甘草各六分

右水二盞姜五片烏梅一箇煎八分不拘時服

濟黃耆飲子 治諸虛勞察四肢勞察潮熱之力日漸黃瘦胃膈痞

塞咳嗽痰多其則吐血陰虛陽脫者服之

黃芪 當歸 紫苑茸 地骨皮

人參 石斛 半夏 桑白皮

款冬花各五分 附子 鹿茸酒蒸 炙甘草各三分

右水盞半姜七片棗一枚煎八分服唾血加阿膠蒲黃各五分

榮衛枯燥有熱者減去附子鹿茸

旋神飲子 治勞察增寒壯熱口乾咽燥自汗煩鬱咳嗽聲重唾

中血絲癆劇倦乏

人參 當歸 白芍藥 茯神

白朮 黃芪 半夏麴 蓮肉

桔梗 麥門冬 熟地黃 五味子

白茯苓 炙甘草各五分

右水二盞紅棗一枚烏梅一箇煎八分食後服如嗽加河膠虛

極腎滿木香濕紙包炮加沉香亦可如不思食加扁豆

直指參著散 治癆察喘嗽咯血聲焦潮熱盜汗

人參 黃芪 川芎 當歸

白茯苓 柴胡 桔梗 貝母

杏仁 五味子 桑白皮 紫苑茸

阿膠 枳殼 甘草 秦花

防風 羌活 款冬花 鱉甲醋炙各分

右咀每服八錢水二盞姜三片棗一枚煎八分食後服

良潤神散 治癆察增寒壯熱口乾咽燥自汗疲劇煩躁

人參 黃芪 麥門冬 淡竹葉

桔梗 炙甘草各等分 右為末每服五錢水一盞煎七

分不拘時服如自汗入麥同煎服

良雞白散 治久患咳嗽肺虛成勞瘵及吐血咯血等證

鱉甲醋炙 阿膠炒各一兩 鹿角霜三錢三分 甘草五錢

右為末每服二錢水一盞韭白一莖長二寸煎八分食後服先

爵雞次服藥一日二服

良阿膠丸 治勞嗽并嗽血唾血

阿膠炒蛤粉 生地黃 卷栢葉 鷄蘓葉

大薊 山藥 五味子各一兩 栢子仁炒另研

麥門冬 人參 防風各半兩

右為細末煉蜜丸彈子大每服一丸細嚼濃煎小麥湯或麥門

冬湯送下濟生方中有遠志百部茯苓

良青蒿散 治虛勞骨蒸咳嗽聲啞皮毛乾枯四肢倦怠夜多盜汗

時作潮熱飲食減少日漸瘦弱

青蒿 秦艽 香附子炒 桔梗

天仙藤 鱉甲醋炙 前胡各一兩 烏藥半兩

川芎二錢半 甘草多一兩半

右為末每服三錢水一盞姜二片棗一枚煎六分食後服

局樂令建中湯 治臟腑虛損身體瘦弱潮熱自汗將成癆瘵此藥
大能退虛熱生氣血

前胡

細辛

當歸

白芍藥

人參

橘紅

桂心

麥門冬

黃芪蜜炙

茯苓

甘草炙各八分

半夏製五分

右作一服水二盞姜五片棗一枚煎八分不拘時服

却癆散 治心腎俱虛勞嗽時復三四聲潮熱後即盜汗四肢倦

怠體瘦惚惚異夢嗽中有血名曰肺痿

白芍藥二錢

黃芪蜜炙

人參

白茯苓

熟地黃酒洗

當歸

半夏麩

五味子

阿膠蛤粉炒

甘草炙各一錢

右水二盞姜三片棗一枚煎八分食後服

良再生丹 治一切勞證黃瘦虛損諸藥不能治者此藥大効

大茴香鹽炒

小茴香炒

木通

川山甲二錢半

全竭微炒

通草各一兩

沉香八錢半

木香

檳榔

燈草各五錢

紅花二錢半

右為細末甘草

膏和丸梧桐子大每服四十丸空心温酒送下食乾物壓之

生犀散 治骨蒸肌瘦頰赤口乾日晚潮熱夜出盜汗五心煩躁

及大病瘥後餘毒不解

犀角

地骨皮

秦艽

麥門冬

紫胡

枳殼炒

茯苓

赤芍藥

桑白皮

黃芪蜜炙

人參

鱉甲醋炙

知母

大黃等分

右咀每服三錢入陳青蒿一根煎或桃枝亦可同煎至八分及

治小兒疳病熱似骨蒸者或久病後時作潮熱并瘧疾有痰加

半夏熱輕者去大黃加黃芩

紫苑湯 治傳屍骨蒸復連殭殍肺氣咳嗽

紫苑

桑白皮

桔梗

生地黄

續斷各一錢

五味子

甘草炙

赤小豆

右水盞半竹茹一丸揮子六同煎一盞食後溫服良久再服若

熱甚加麥門冬石膏各一錢

天門冬散 治骨蒸心煩熱氣息喘促唾不出唇漸加羸瘦

天門冬一錢

赤茯苓

桔梗

紫胡

百合

白前

川麻

前胡

黃芩

杏仁製

甘草炙各五分

桑白皮一錢

右咀水盞半姜一片煎七分食後溫服

天門冬丸 治氣癆咳嗽喘促下焦虛損上焦煩熱四肢無力身

羸體弱

天門冬

麥門冬

鱉甲製

杏仁

人參

黃耆

牛膝酒洗

枸杞子

白茯苓

五味子

石斛去根

熟地黄酒洗

山茱萸

肉苁蓉酒浸

紫苑

訶黎勒

沉香各三分

右為細末煉蜜為丸梧桐子大每服二十九食前棗湯送下

胡黃連丸 治熱癆骨節煩疼心膈躁悶亦治虛癆骨蒸

胡黃連

鱉甲

犀角

訶黎勒

赤茯苓

甘草炙各一兩半

黃芩

地骨皮

知母炒

桔梗

升麻各一兩

柴胡兩半

人參二分

括婁一枚

右為細末用猪膽二十枚取汁同蜜四兩攪勻慢火熬成膏搜

和丸如梧桐子大每服二十九食後烏梅湯和童便下如腹痛

糯米飲下忌葷菜

地黃煎丸 治癆熱瘦弱

生地黃汁

青蒿汁

薄荷汁

童便

好無灰酒各二升同熬成煎

柴胡

鱉甲酥炙去裙

秦艽各一兩

丹砂

麝香各半錢

右將後五味研為細末入煎煎搜和丸如梧桐子大每服十五

丸至二十九溫酒送下

犀角丸 治熱癆無不効

犀角屑

鱉甲

枳殼炒

黃連各一兩

龍膽草

貝母煨黃

升麻各三分

烏梅肉三兩微炒

秦艽二兩

柴胡一兩半

右為細末用猪膽汁二合同煉蜜和搗三五百杵凡如梧桐子

大每服二十九不拘時粥清飲下忌猪肉菹菜

退熱湯 治急勞四肢煩痛手足心熱口乾增寒飲食不得

柴胡

龍胆草

青蒿

知母焙

麥門冬去心

甘草各一錢

右用童便盞半葱白三寸薤白三莖桃柳枝各五寸同浸經一

宿平旦煎一盞空心頓服至夜再服

前胡飲 治暴急成勞痰盛喘嗽

前胡

人參

官桂

白茯苓

柴胡

桔梗

黃芩

生地黄酒洗

玄參

旋覆花

甘草炙各五分

麥門冬去心

半夏

白朮各八分

厚朴製一錢

右水盞半姜七片煎七分不拘時服

石斛散 治虛勞手足煩疼羸瘦無力不能飲食小便數

石斛一錢

桑螵蛸微炒

黃耆

人參

牛膝

雞腔脰微炒

熟地黄

當歸各六分

麥門冬去心

赤芍藥

白龍骨各三分

右水盞半姜三片棗三枚煎七分溫服

雜著癆瘵方 治陰虛火動發熱成癆

當歸

白芍藥

炒各錢半

熟地黄

川芎

各八分

黃檗

知母

蜜水炒各一錢

生地黄

甘草

各五分

天門冬

白木

各一錢

陳皮

各七分

乾姜

炮三分

右水薑半姜三片棗一枚煎八分食前服

咳嗽甚者加桑白皮馬兜鈴瓜蒌仁

各七分 五味子

十粒

痰盛加姜製半夏貝母瓜蒌仁

各一錢

盜汗多加牡蠣酸棗仁

各七分

浮麥

一撮

潮熱加沙參地骨皮柴胡

各一分

夢遺精加牡蠣龍骨山茱萸

各七分

赤白濁加白茯苓

一錢

黃連

炒五分

衄血咳血出於肺也加桑白皮

一錢

黃芩山梔

炒各五分

嗽血痰血出於脾也加桑白皮貝母黃連瓜蒌仁

各七分

嘔血吐血出於胃也加梔連乾姜

炮

蒲黃

炒各一錢

韭汁

半杯

姜汁一匙

咯唾血出於腎也加桔梗玄參側柏葉

炒各一錢

若先見血證或吐衄盛者宜先治血輕者涼血止血甚者先消痰血次止血涼血蓋血來多有痰停於膈者不先消化之即止之涼之不應也葛可久十藥神書方可次第檢用獨參湯止

可用於大吐血後昏倦脉微細氣虛者氣雖虛而復有火可加

天冬五錢若陰虛火動發熱脉數者盜汗咳嗽者皆不可用此也

勞病屬血虛有火大便多燥然須節調飲食勿令泄瀉若胃氣
一壞泄瀉稀溏則前項寒涼之藥難用矣急宜服理脾胃藥用
白朮茯苓陳皮半夏甘草神麩麥芽等藥候胃氣復然後用前
本病藥收功後可服補陰丸今世醫者但遇此證例用四物加
黃蘗知母動經百劑須死不變殊不知胃氣傷於寒涼痰火益
甚雖服之不能作效蓋是胃氣虛不行藥氣故無效也所以節
齋云胃氣少虛即救胃氣胃氣復又用本病藥此治法妙也有
司命者不可不知
葛可久十藥神方

嘔吐咯血者先以十灰散遏住甚者以花蕊石散止之後其

入必倦用獨參湯補之後服化藥保和湯止嗽清肺保真湯補
虛除熱太平丸潤肺消痰消化丸下痰消氣加減法具各方之
下服藥之法每日仍濃煎薄荷湯灌喉中用太平丸先嚼一
丸徐徐嚥下次嚼一丸緩緩溶化至上床時亦如此用之夜則
肺竅開藥之流入竅中如痰壅却先用飴糖拌消化丸一百丸
吞之次又依前嚼嚼太平丸令其仰服前七藥後若有嗽可煮
潤肺丸食之服前藥有假煮此七藥服之亦續煮白鳳膏食之
固其根本痊後服十珍丸以收功

甲十灰散 治勞證嘔血吐血咯血嗽血先用此藥止之

大薊

小薊

荷葉

扁柏葉

茅根

茜根

山梔

大黃

牡丹皮

棕櫚皮各等分

右各燒灰存性研極細末用紙包碗蓋於地上一宿出火毒用時先將白藕搗汁或蘿蔔汁磨京墨半碗調服五錢食後下如病勢輕用此立効如血出成升斗者用後藥止之

乙花蓋石散

五臟崩損湧噴血出斗升用此止之

花蓋石

火煨存性研為粉

右用童便一鍾煎溫調末三錢甚者五錢食後服

男子用酒一半女人用醋一半與小便和藥服使瘀血化為黃水服此訖以後藥補之

丙獨參湯

止血後虛弱無動作者此藥補之

大揀人參一兩

右咀水二盞棗五枚煎不拘時細細服之服後宜熟睡一覺後服藥除根

丁保和湯

治癆嗽肺成痿者服之决効

知母

貝母

天門冬

麥門冬

款冬花

各二錢

天花粉

薏苡仁

杏仁

五味子

甘草炙

馬兜苓

紫苑

百合

桔梗

阿膠炒

當歸

生地

紫蘓

薄荷各五分

右以水煎生姜三片入飴糖一匙化服之每日三服食後進加

減於後一方有百部

血盛加蒲黃茜根藕節大蓊小蓊茅花

痰盛加南星半夏橘紅茯苓枳實括婁仁

喘甚加桑皮陳皮大腹皮蘿蔔子葶藶蘆子

熱甚加山梔子炒黃連黃芩黃柏連翹

風加荆芥防風金匱草甘菊細辛香附子

寒加人參肉桂桂枝五味子蠟片

戊保真湯 治癆證虛弱骨蒸服此最効

當歸 生地黃 白朮 黃芪

人參各一錢 蓮心 赤茯苓 白茯苓各五分

天門冬 麥門冬 陳皮 白芍藥

知母 黃檗炒 五味子 羌胡

地骨皮 熟地黃各四分 赤芍藥 甘草各五分

右水煎姜三片棗一枚食後服

驚悸加茯神遠志柏子仁酸棗仁

淋濁加萆薢天台烏藥猪苓澤瀉 便濁加石韋扁蓄木通

遺精加龍骨牡蠣蓮鬚蓮子 熱燥加石膏滑石鱉甲

盜汗加浮小麥炒牡蠣黃芪麻黃根

肥太平丸 治癆證久嗽肺痿肺癰並皆驗服

天門冬 麥門冬 知母 貝母

款冬花

杏仁各二兩

當歸

生熟地黄

黃連

阿膠各兩半

菴黃

京墨

桔梗

薄荷葉各一兩

白蜜四兩

麝香少許

右為細末和勻用銀石器先下白蜜煉熟後下諸藥末攪勻再上火入麝畧熬三二沸丸如彈子大每日三服食後細嚼一九煎薄荷湯緩緩送下次嚼一九臨卧時如痰盛先用飴糖拌消化丸吞下却又嚼此丸使藥流入肺竅則肺清潤其嗽退除七日病痊凡一切咳嗽只服此藥立愈

庚沉香消化丸 治癆瘵熱痰壅盛

青礞石炒金

明礬飛研

猪牙皂角

南星製

半夏

白茯苓

陳皮各一兩

枳殼

枳實各半兩

薄荷葉

黃芩各一兩

沉香五錢

右為細末和勻姜汁浸神麩搗糊為丸梧桐子大每服一百丸臨夜飴糖拌吞嚙嚼太平丸二藥並服痰嗽除根

辛潤肺膏 治久嗽肺燥肺痿

羊肺一具

杏仁淨研

柿霜

真酥

真粉各一兩

白蜜一兩

右先將羊肺洗淨次將五味入水撈粘灌入肺中白水煮熟如常服食前與七藥相間服之亦佳

壬白鳳膏 治一切久怯虛弱咳嗽吐血發熱

黑嘴白鴨一隻

大京棗二升

參苓平胃散一升

陳煮酒一瓶

右先將鴨縛定脚量患人飲酒多少隨量以酒盪溫將鴨頂割開滴血入酒拌勻飲之直入肺經潤補其肺却將鴨乾搥去毛於肺邊開一孔取其腸雜拭乾次將棗子去核每箇中實納參苓平胃散末填滿腸肚中用麻扎定以沙瓦一箇置鴨在內四圍用火慢煨將陳煮酒作三次添入煮乾為度然後食其棗子陰乾隨意食用參湯送下後服補髓丹則補髓生精和血順氣

參十珍丹一名補髓丹

治久虛勞憊髓乾精竭血枯氣少服前藥愈後服此藥

猪脊脊一條

羊脊髓一條

團魚一枚

烏雞一隻

右四味製淨去骨存肉用酒一大碗於沙鍋內煮熟搗細與前熟肉一處再用慢火熬之却下明礬四兩真黃蠟三兩右二味逐漸下與前八味和一處搗成膏子和平胃散末四君子湯末知母黃藥末各一兩共一十兩搜和成劑如十分硬再入白蜜同熬取起放青石上用木槌打如泥丸梧桐子大每服一百丸不拘時棗湯下

秘方七聖神効散 治男子婦人遠年近日五勞七傷喘嗽血尸勞等疾諸藥無効鍼灸不應命在須臾服此神効

鹿茸大補湯方見諸虛門

十全大補湯方見諸虛門

黃芪益損湯 方見前

退熱飲 方見精熱門直指誤以退為進今証之

清心蓮子飲 方見林門

驚甲散 方見前

右各取一帖無灰酒三升浸磁器瓶內半月開時空心浸二盞輕者半月重者一月必然痊可

當歸膏 治脾胃虛弱養血和中

當歸 一斤四兩酒洗

芍藥 八兩微炒

生地黄 半斤酒洗 薏仁 一斤糯米炒去粉

茯苓 六兩

白朮 上兩瀉者黃上微炒 蓮肉 半斤去心

山藥 八兩炒

陳皮 四兩

人參 三兩脈得者倍之 甘草 一兩半炙半生

枸杞子 四兩

石胆淨稱用水二十斤文武火熬成膏加熟蜜於內冬用四兩春用五兩夏秋用六兩依法再熬

內外俱熱如蒸者加青蒿汁 一兩 銀柴胡 一兩 胡黃連 五錢

內熱蒸者加地骨皮 四兩 牡丹皮 二兩 知母 一兩 女人加童便浸香附

子 一兩 烏藥 二兩 玄胡 二兩 男女胃脘痛者加草豆蔻 一兩 寒加肉桂虛

火陣陣作痛加炒黑山梔仁 兩 頭昏目暈者加天麻 二兩 鍾乳粉

一頭虛痛者加大川芎 二兩

咳嗽加貝母 三兩 紫苑 一兩 五味子 一兩 肺熱者麥門冬 三兩 天門冬 一兩

桔梗 百部各一兩 足膝爽弱或酸者加牛膝 四兩 石斛 二兩 腰背痛

者加杜仲 六兩 橘核仁 一兩

地黃膏 滋陰降火養血清肝

鮮地黃 不拘多少搗汁以十斤為則和衆藥汁同熬 當歸身 一斤 芍藥 半斤

甘杞子 半斤 天門冬 六兩 川芎 二兩 麥門冬 六兩

蓮肉 四兩 丹皮 二兩 知母 地骨皮 各三兩

人參 甘草 各一兩

右將衆藥用水二斗煎一斗去渣淨用生地黄汁同熬成膏

參朮膏 治虛勞脾胃虛弱不能運用或脹或瀉神効

人參 白朮 七炒各一斤 薏苡仁 八兩炒熟

蓮肉 六兩去心皮 黃芩 四兩蜜水炒 茯苓 四兩 神麩 炒二兩

澤瀉 甘草 炙各五錢

右如前法熬膏或為細末飲湯調服二三錢

金櫻膏 治虛勞遺精白濁最効

金櫻子 經霜後採紅熟者不拘若干撞去刺切開去子搗碎煮之慮滓淨用復將滓榨汁乾用熬成膏法見製門

枸杞子 四兩 揀人參 二兩 黃苡仁 五兩 山藥 二兩

杜仲 姜汁炒 芡實肉 四兩 山茱萸肉 四兩 益智仁 一兩

青鹽 三錢 桑螵蛸 二兩新瓦焙燥

右咀同熬二次去渣熬成膏和金櫻膏對半和勻空心滾白湯

下三四匙

河車補陰丸 治酒色過度血氣俱虛腎臟羸憊虛火上升咯血

咳痰多嗽盜汗勞熱漸成骨蒸最宜服此

紫河車 一具製法見總製 川黃蘗 二兩酒拌曬乾炒黃色

知母 鹽酒炒 人參 龜板 一兩酥炙去裙 熟地黃 四兩酒浸

枸杞子 二兩 牡月皮 茯苓 各一 澤瀉

五味子 青鹽 各五

右各製日乾為細末山藥糊丸梧桐子大每服五六十丸空心白湯送下

勞瘵取蟲諸劑

與諸蟲 門參首

良方 芎歸血餘散 治瘵疾先用此方次以鱉甲生犀角取蟲

室女頂門生髮 一小團井水洗去油膩法醋浸一宿日中晒乾紙裏火燒存性 川芎 五錢

當歸 三錢 桃仁 水泡去 木香 各二 安息香

雄黃 各一 全蝎 二枚 江上大鯉魚頭 生截斷一枚 以醋炙酥

右為末分作四服每服開水一大碗淨室中煎七分入紅硬降

真香末五分燒北斗符入藥月初五更向北仰天呪曰瘵神瘵神害我生人吾奉 帝勅服藥保身急急如律令念呪五遍面北服藥畢面南吸生氣一口入腹中燒降真香置床下薰卒時再一服後具符式

北 斗 符 勅 卍

念北斗呪朱砂書符

良方 鱉甲生犀散 治瘵疾殺勞虫取出惡物

天靈蓋 一具男者色不赤可用女者色赤勿用以檀香煎湯候

用酥炙黃色 生鱉甲 一枚醋炙 生犀角

降真香

阿魏河酒

乾漆炒存

甘遂

木香各三錢

穿山甲取四趾醋炙焦

雷丸二錢

雞心檳榔

桃仁去皮尖

安息香各半兩

蚯蚓十條生研和藥

全蝎二枚

虎長牙二枚醋炙酥如無即用于開骨

右為末每服半兩先用豉心四十九粒東向桃李桑梅小稍各

二莖長七寸生藍青七葉青蒿一小握連鬚葱白洗五莖石白

內同杵用井水一碗半煎一盞入童便一盞并藥煎取七分入

麝香一字月初旬五更空心溫服即以被覆面恐汗中有細虫

軟帛拭之即焚其帛少時必瀉虫以淨桶盛急鉗取虫付烈火

中焚之並收入磁罐中瓦片傳雄黃蓋之埋深山中絕人行處

直指 虎牙丸 治癆瘵咳嗽聲啞肉脫骨痿殺下瘵虫

紫河車 一具洗淨用童便酒煮爛听用

麝香 五分

大川椒 去合口并子以

黃稈紙二重托之熱炒內焙去汗土地土盞一宿

虎頭關骨 酒浸二宿灸焦各一兩半

黃狗頭 取肉四兩童便并酒煮爛

鹿茸 酒炙七錢半

桃仁 水泡去皮尖

秦艽 洗

阿膠 炒各半兩

鱉甲 一枚醋浸一宿火酥

安息香 紙撚火燒過存性各二錢

右為細末以紫河車狗肉杵粘為丸梧桐子大每服七十九月

初五更空心米飲下午時又服如無胞衣以雄猪肚代用

直指 雄麝丸 治癆瘵殺癆虫下惡物

雄黃

雌黃

青黛

代赭石 火煨醋淬

朱砂 研各二

乾蝦蟆 一隻酒炙黃色

天靈蓋 男子者酥油炙黃色三錢

安息香

阿魏 酒浸研各二錢

麝香 五分

巴豆 肥大者十粒去油

右為細末軟粳飯頭搥和杵丸梧桐子大每服二十九桃仁十四枚去皮尖研煎湯空心五更下

三五枝散 取傳屍勞蟲

桃枝

李枝

梅枝

桑枝

石榴皮

並用東向小枝各七莖長三寸

青蒿 一小握

苦練根 白皮七寸

生藍青 七葉

連鬚葱白 七寸洗

右以童便一升半煎至一半去渣入安息香蘇合香阿魏各一錢煎至一盞濾清調朱砂雄黃雷丸枯白礬硫黃末各半錢雞

心檳榔末錢半麝香字分作二服月初五更空心浸一脈五更三點又進一服約午後取下瘵虫淨桶盛急鉗入油鉢內煎之仍將油傾確內埋深山僻處

二神授散 治傳屍勞氣殺虫去毒

川楝 二斤去子并合口者炒出汗

右為細末米湯下一錢必麻痺暈悶少頃如不能禁以酒糊丸梧桐子大空心服五十九○昔嘗有人與病勞婦人交其婦死後其人遂深疾遇一道人云邪氣已入藏遂令急服楝丸二斤病當去如其言服之幾盡大便出一虫如蛇狀遂安續與人服之獲安者多矣

藍汁方 殺瘵虫惡虫皆化為水

生薑青葉 搗取自然汁一大碗

雄黃

枯白礬

安息香

紅硬降真香 各五分

麝香 少許

右以雄黃等同研入藍汁內月初五更空心服此方通治虫毒及解諸毒

青桑枝散 取虫神効

青桑枝

柳枝

桃枝

梅枝 各七莖長四寸

青蒿 握一握

石榴皮

赤箭

鬼臼 各半

右用童便一升半葱白七莖煎至一半去渣另入安息香阿魏各一分煎至一盞去渣調辰砂末五分檳榔末一分麝香二字

分二服五更初調下一服須臾又進一服至巳時必取下多紅者可救青黑色者不治見有所下即進軟粥湯飯溫煖將息不可食硬物及生冷等物合時須擇日不得令猫犬孝子穢婦人等見一方無赤箭鬼臼

治瘵虫

三月四日取桃葉五升熟搗脫衣避風密室中坐其上從旦至暮死虫悉出

一方空心食榧子百枚諸勞虫悉化為水

一方殺瘵虫

黑猫肝 止取晒乾 為末月初五更空心醇醋調下或酒後食之

青取蟲藥 追一切勞虫

啄木禽

活取一隻 如法餵之

用朱砂四兩為末精猪肉四兩切作豆大拌

和朱砂將禽餓一晝夜方與食之食盡將禽繫死用鹽泥固濟

炭火煨一夜米日不見太陽取出不得打破埋淨地中一尺許

一晝夜取出銀器內為細末以無灰酒作一服空心入麝香少

許同調下置病人在帳中四下緊閉用鐵鉗等候行病人口中

蟲出即鉗入沸油中煎之沸油須先預備虫出後進稀粥及服

嘉禾散一二帖念呪服藥呪曰噏嘩嗚飛哞哞

青釣虫丸

磁石

有埴極堅者一兩半 藤粉 另研

龍骨

各半

硃砂

研半

右為末用蠟為丸小櫻桃大每服一丸以藥上用針穿一小孔

以青綠線貫之稍頭繫一大錢早晨令病人向破方正坐用温

水吞下候藥下咽喉中合口以牙咬之古錢等候惡心便吐出

其虫形狀不一急以滾油煎之如不吐虫只吐得血絲子或涎

一二合皆是安證更服尋常調和諸藥數服決取痊瘥其吐出

藥用温水洗過更可治人若是傳屍勞一丸可活二人

青釣虫神効奪命散

石炭

一枚火煨 醋淬七次

母丁香

錢半

酒蠟

五錢

鯨甲

一箇 和談

水磨雄黃

右為細末以蠟為丸如菜豆大每服一丸裝釣子上繫緋線一

古今醫系考卷之四十一
條長一丈二尺用雪膏少許丸藥以蠶繭一截穿於線上蓋之
令病人先喫膏後一口連藥吞下良久線動用力拽出有虫入
滾油煎之此藥於端午日日未出時修合先服紙丸次同神仙
秘法服之

青服紙丸子法

凡醫傳屍當先齋戒誠心對聖焚香服紙丸子以雞彈清塗紙
上令乾剪作錢樣大丸服之後服前件丸藥散藥

取傳屍勞虫鬼哭飲子

方見諸
虫門

傳屍虫論

道藏經云傳屍虫瘵不可不知其詳也九虫之中而六虫傳代三

蟲不傳胃虫蛔虫寸白虫是也或因五藏中毒而生或親戚習染
而傳六虫大率約一旬之中遍行四穴周而復如二日一食五日
一退方其作苦百體有痛虫之食也退則還穴醉睡一醉五日其
病乍靜俟其退醉之時乃可投符用藥不然虫熟於符藥之後不
能治也一虫在身占一十二穴六虫共占七十二穴一月之中上
旬十日從心至頭遊四穴虫頭皆向上中旬十日從心至臍遊四
穴虫頭皆向內下旬十日從臍至足遊四穴虫頭皆向下若投符
用藥可以審此如紫蠶之苗在肝中蓋虫性用通靈切在精審其
或取虫不補即學淺妄行徒費資財終無去病之理可不悲哉師
曰治傳屍勞者先須知正氣與毒並行故藏府有礙即成虫狀遇

陽日長雄陰日長雌其食藏府脂膏故其色曰五藏六府一經食損即皮聚毛脫婦人即月信不調血脉皆損不能榮衛五藏六府也七十日後食人血肉盡故其虫黃赤損於肌肉故變瘦飲食不為膚筋緩不能收一百二十日外血肉食盡故其虫紫即食精髓傳於腎中食精故其虫色黑食髓即骨痠不能起床諸虫之有三毛毛色禿花鍾孕五藏五行之氣傳之三人即自能飛其收如禽亦多品類傳入腎經不可救治法之所載者能利後其虫色白可二十日服藥補之其虫色黃赤可六十日服藥祖之其虫紫黑其疾已極可百二十日服藥補之故經曰六十日內治者十得八九百八十日內治者十得三四過此已往未知全生公以六代所傳

蟲狀具後

第一代蟲狀病證遊食日治法



此蟲形如嬰兒

長三寸背有毛



此虫形如鬼

動走藏府

此蟲形如蝦蟆

變動藏府之中



凡人受病之後頓覺憔悴令人惡寐顛倒魂魄飛揚精神離散飲食減少形容漸瘦四肢百節疼痛增寒壯熱背膊拘急口苦舌乾面無顏色鼻流清涕虛汗常多其虫遇丙丁日食起醉歸心俞穴中四穴輪轉周而復始俟虫大醉方可醫醫多火取出虫後用藥補心

宜服守靈散

第二代蟲狀病證食日治法

此蟲形如亂髮長三寸許在人藏府之中



此蟲形如蜈蚣或似守官在人藏府之中



此蟲形如鯢蟹在人藏府之中

凡癆瘵若患此虫令人神色如醉夜夢不祥夢與亡人為侶心胃飽悶四體不和骨節枯槁日漸瘦弱醋心嘔酸咽乾鼻塞背脊痠疼腰膝無力嘔吐膿血頭目不利曾高多痰盜汗發熱等證其虫遇庚辛日食起醉歸肺俞穴中俟虫大醉方可醫治取出虫後補

肺則瘥宜服虛成散

第三代蟲狀病證遊食日治法



此虫形蚊蠅類



在人藏府之中



此蟲形如螳螂或如血果在人藏府之中



此虫形如刺蝟或如毛虫在人藏府之中

勞證若有此虫令人三焦多昏日常思睡嘔吐苦汁或吐清水粘涎腹脹虛鳴口鼻生瘡唇黑面青日漸消瘦精神恍惚口燥咽乾目多昏淚其虫庚寅日食起醉歸厥陰穴中四穴俟虫大醉方可治之取虫之後補氣即愈

第四代虫状病證遊食日治法



此虫形如亂絲

或如蟻螞虫者



此虫形如猪

肺或作蟬虫



此虫形如蛇虺

往來五藏之中

凡病此虫令人藏府虛鳴嘔逆腸中疼癢氣塊增寒壯熱吐火筋
青咳嗽氣促口苦舌乾要喫酸醎之物其虫遇戊己日良起醉歸
脾俞穴中四穴候虫大醉方可治取虫後補脾即愈服魂停散

第五代虫状病證治法



此虫形如鼠無毛



此虫有頭無足有足無頭



此虫形如精血片

凡患此虫入肝經而歸腎得血而變更也令人多怒氣逆四肢解
散日食減少或面紅潤如平人或時通靈而言未采事或着床枕
不起有似中風肢體頭麻腹內多痛其虫遇壬癸日食起醉藏肝
俞穴中四穴候虫大醉方可治取虫後補肝即愈宜服金明散

第六代

此代虫有翅是全者
千里傳症所謂飛屍



此虫形如馬尾或



有兩條一雌一雄



此虫形如龜鱉

在人五臟之中

此虫形如爛麵或

如飛禽或長或短

凡患此虫令人思食百物身體尪羸腰膝無力眼暗耳鳴喘嗽不定心復悶亂其虫遇丑亥日食起醉歸腎俞六四穴俟虫大醉玄可治之取虫出補腎填髓愈宜服育嬰散

○取六代癆虫後服五補藥方真後已下俱青囊方

虛成散 補肺藏癆極

白茯苓

枳實 熱炒

秦艽

芍藥

麻黃

當歸 酒洗

茴香 炒各半兩

甘草 多一分

玄胡索 半兩

右為細末每服二錢水一盞銀環一對蜜五點煎八分通口服

金明散 補肝藏癆極

人參

茯苓

秦艽

知母 酒炒

石膏 煨

甘草 炙各等分

右為細末每服三錢水一盞姜七片葱白二寸煎八分無時服

守靈散 補心藏癆極

白茯苓 一錢

丁香 五分

柯子 一錢

桔梗 一錢二分

芍藥 八分

羌活

甘草 炙各三分

右為細末每服三錢水一盞入銀耳環一隻葱白二寸煎八分

通口服

魂停散 補脾藏癆極

白藥子

人參

桔梗

柯子

三才人參自虎骨膠... 卷之四十一 二百一十一

茯苓各一錢

丁香

甘草各三分

右為細末每服三錢水一盞入蜜一匙煎八分通口服
育嬰散 補腎藏癆極

香附子炒黑一錢

附子製箇

木香

白茯苓去刺者五分

白茯苓三錢

甘草炙五分

右為細末每服二錢水一盞姜七片葱白三寸煎七分空心服
茯苓散 不問遠年近日取効下虫紅巴便可治肚下黑及瘕肚

下白色是食髓也萬無一瘥下虫之後宜服此藥

茯苓

茯苓

人參

遠志

龍骨

肉桂

甘草各一兩

陳皮

當歸

五味子各兩半

黃耆二兩

大棗五十枚

右咀分八服每服水盞半姜二錢煎一盞趁前藥後吃亦空心
服神効此是神人所授靈秘方

○取癆虫法灸穴

凡取癆虫可於三節骨上一穴并膏肓二穴每穴灸七壯然後
飲食調理方下取虫藥其虫或如亂髮或如紅線線者是也

四季取虫宜用之藥

春宜用雄黃另研

硫黃另研各二分

巴豆一粒

豆豉七粒

右同為細末

麩糊為丸梧桐子大每服十九空心童便一合酒一盞温送下

夏宜用蘿蔔子鶴虱硫黃另研各二分

巴豆一粒

豆豉七粒

如前製服

秋宜用錫灰雄黃另研 菘豆粉各二分 巴豆一粒 豆豉七粒 雌黃另研

如前制服

冬宜用雌黃雄黃另研 錫灰各二分 巴豆去油 豆豉各七粒 如前制服

治傳屍癆追死虫明目丹

白兔糞中秋夜取四十九粒野中尋者佳 硃砂一錢

右為細末煉蜜丸梧桐子大每服七丸甘草半兩搗碎以水一

盞採取濃汁若患人瘦弱則用炙甘草五更空心服預戒寒火

不得心躁冷服不妨小瘥兩日一服下虫為準藥要上旬日服

貫衆去三屍五虫

貫衆五分殺伏虫 白翟蘆三分殺大腸虫 蜀漆三分殺白虫 厚朴三分殺肺虫

狼牙子四錢殺肺虫 僵蚕四分殺膈虫 雷丸六分殺赤虫 雄黃三分殺尸虫

蕪荑五分殺差虫 右各製淨為細末煉蜜丸梧桐子大川水下五

丸三服可漸加至十丸二十丸服之二十日百病皆愈三屍丸

虫自滅服者須齋戒恭敬婦人絕孕服之有子

桂心丸 神仙去三屍丸蟲捷効

熟地黃三兩 乾漆五錢 桂心一兩

右為細末煉蜜丸梧桐子大每服七丸米飲送下

雄黃丸 去三屍丸虫

雄黃 松脂各一兩研

右溶脂為丸如芡實大平旦一丸服之七日三屍盡去

通神散 治屍勞屍虫

附子 一枚

大黃 一兩

牛黃 五分

右為末加柶柳枝青蒿各七握剉用童便半碗浸一宿來日五更煎多沸瀘查調散子一半服了以衣被蓋便睡取下惡物當自止下時用桶子盛之看何物其虫類有四一頭如馬尾二如亂髮三似蜈蚣四如血果或如亂綿破絮忌食生冷硬物茶蒜炙博雞鴨鰕蟹油膩醃葷等物後藥服之

甘草

黃連

當歸

木香 各半兩

右將酒二升磁器內煎取五合傾出煎此四味熬者軟硬和瓦梧桐子大空心晚後酒或鹽湯下三十粒神効

○守庚申法

道藏經曰夫人之生於世也上至國王次至大臣下至僧道庶人多少不定惟有女人此疾尤甚學道之士若不去三屍九虫以求長生者終不可得也每值庚申日其夜不睡守之至曉體倦方可投睡令人數覺死虫自不得去奏事也

大帝玄科云 六月八日及庚申日北帝開諸生門聽諸法司訟事過滿五百者其人必死宜守庚申振伏三屍凡守庚申三屍長絕令人精神爽快五神恬靜每夜叩齒三十六通以左手捧心呼三屍之名上屍彭琚出中屍彭璡出下屍彭璠出輒不得為害常以庚申去手甲丑日去足甲每年七月十六日將所去手足甲

三石人醫經卷之四十一 卷之四十一 二四十四 三

燒灰和水服之三屍丸重皆滅名曰斬三屍

遇仙灸勞瘵捷法

取癸亥日二更時六神皆聚解去下衣直身平立用筆於腰上
兩旁微陷處點之鍼家謂之腰眼然後上床合面而卧每灼小
艾七壯兩腰眼共十四壯勞虫或吐出或瀉出即安斷根將
重入火燒焚後服將軍丸

將軍丸 治傳死勞瘵前灸法并山藥管是異人傳授

錦紋大黃製

麝香一錢研

猪牙皂角醋炙

柶枝去皮

檳榔

雷丸各一兩

蕪荑半兩

蟹甲醋炙

右為末先將蒿葉二兩東向柶李初葉各七片水一盞煎七

分去渣入蜜一大盞再熬成膏入前末藥及麝香安息香末搗

此梧桐子大每服三十丸合以前棗湯送下

三汁丸 灸後亦宜服此

生地黃汁

青蒿汁

薄荷葉汁

童便

好酒各二升同煎成膏入後項藥

紫胡

蟹甲醋炙

秦光各一兩

朱砂

麝香各半兩研

右為細末調前膏內搗為丸梧桐子大每服十五丸或十九丸不

拘時溫酒送下忌生冷毒物

醫五蒸湯 治骨蒸勞熱

甘草炙七錢半

茯苓二錢二分半

人參一錢半

竹葉一錢半

生地黃

葛根 各二錢二分半 知母

黃芩 各二錢半

石膏 三錢七分半

右咀每服八錢水二鍾白粳米錢半煎八分不

拘時溫服以小麥煮湯煎藥亦可忌海藻松菜蕪荳

九十二種痰治法本方中加鹽開胃手後

肺蒸喘嗽咯血喉乾聲啞鼻塞加天門冬去心麥門冬去心桔槩紫蘇

烏梅

皮蒸肌膚鱗起毛折髮焦加石膏赤白皮

氣蒸喘促鼻乾遍身氣熱不自安自加人參黃芩梔子

大腸蒸右鼻乾疼大腸隱痛加大黃芒硝

心蒸少氣煩悶舌乾口苦或舌生瘡加黃連生地當歸赤芍

脉蒸心煩體熱脉緩急不調加生地當歸

血蒸毛髮焦枯有時鼻衄或尿血加生地當歸各酒洗童便

小腸蒸下唇焦加赤茯苓木通生地黃

脾蒸唇焦折或生口瘡加芍藥木瓜苦參

肉蒸別人覺熱自覺冷食無味而嘔或煩躁不安加芍藥

胃蒸鼻口乾燥肚腹彭脹自汗睡卧不安舌生瘡加石膏粳米大

黃芒硝乾姜

膽蒸眼目失光睛黃口苦耳聾脇下堅硬而痛加柴胡括婁

三焦蒸乍寒乍熱中脘膈中時覺煩悶加石膏竹葉

肝蒸或時眼前昏暗或眩暈躁怒無時加川芎當歸酒洗前子

筋蒸眼昏脇痛爪甲焦枯加川芎當歸

腎蒸耳輪焦枯腰脚痠疼情意不定泄精白濁加生地黄石膏知

母寒水石

腦蒸頭眩熱悶眼眵口吐熱涎加生地黄防風羌活

髓蒸髓沸骨中熱肩背痛骨痠疼倦行加天門冬生地黄當歸

骨蒸股齒黑燥大疔痲痲倦行腰痛之逆冷疝食藏加鱉甲炙地黃

骨皮當歸酒洗牡丹皮生地黄

玉房蒸男子遺滴失精婦人經閉白帶加知母黃柏當歸芍藥

脬蒸小便赤黃加澤瀉茯苓生地黄沉香滑石

膀胱蒸右耳焦小便凝濁如膏加澤瀉茯苓滑石

凡此諸蒸亦有熱病後食肉油膩飲酒房勞犯之而復作久蒸不除變成疔疾即死矣亦有瘰久不愈以致咳嗽調治失宜漸成骨蒸勞瘵之證者多當辨標本而治之

醫林經驗方 治男子婦人骨蒸勞瘵增寒壯熱

青蒿 春夏用葉秋冬用子 童便浸晒乾二兩

鱉甲 醋炙

人參

白朮

白茯苓

地骨皮

粉甘草 炙

柴胡

括蕞根

桑白皮 蜜炙各五錢

右咀每服七錢水二盞姜三片煎八分不拘時溫服

醫林麥煎散 治少男室女骨蒸婦人血風攻症四肢

赤茯苓

當歸 酒洗

乾漆

鱉甲 醋炙

常山

白朮

柴胡

大黃煨

生地黄

石膏各錢半

甘草炙七錢半

右咀分二帖母帖入小麥百粒水二盞煎八分去查食後臨卧

服有虛汗加麻黃根一錢

醫林地骨皮枳殼散治骨蒸壯熱肌肉消瘦少力多困夜盜汗

地骨皮

枳殼炒

秦艽

柴胡

知母

當歸酒先

鱉甲醋炙

右咀各等分每帖七錢水三盞用桃柳枝頭各七莖姜二片烏

梅一箇煎八分臨卧服

團魚丸

治骨蒸潮熱咳嗽累効

貝母

知母

前胡

杏仁去皮炒

柴胡各等分

團魚一箇去腸肚

右用藥同魚者孰提起去頭取肉連汁食之將藥焙乾就用魚

甲及骨煮汁和藥丸梧桐子大每服三十九黃芪湯食遠下

續斷散治骨蒸勞熱潮熱傳屍苦喘嗽氣急身痛煩躁盜汗

續斷

紫苑

桔梗

青竹茹

五味子各一錢二分

生地黄

桑白皮蜜炙各二錢

甘草炙八分

赤小豆四錢

右咀作二服每服用小麥五十粒水二盞煎八

分食後服兼治咳嗽吐膿血小兒亦可服

人參散治邪熱客於經絡肌熱痰嗽五心煩躁頭目昏痛夜有

盜汗四肢倦怠婦人虛勞骨蒸尤宜服之

人參

白朮

白茯苓

柴胡

當歸

半夏麩

葛根

甘草

赤芍藥各等分

右咀每服七錢水二盞姜三片棗一枚煎八分食後服

柴胡梅連散 治骨蒸勞熱久而不瘥

胡黃連

柴胡

前胡

烏梅各三錢

右咀每服四錢用童便一盞猪膽一箇脊髓一條韭白根半錢

同煎至七分不拘時溫服亦治五勞七傷虛弱

清肌十全散

治男婦骨蒸肌肉消瘦宜服

柴胡三錢二分

生地黄

地骨皮

桔梗各一錢二分

防風

茯苓

人參各一錢六分

甘草炙

當歸

秦艽各六分

右咀作二服每服水二盞煎八分在遠溫服

清神甘露丸 治男婦虛勞大骨枯陷並皆治之

生地黄汁

白藕汁

牛乳汁

右三味各等分用砂石器內文武火蒸成膏用後藥

人參

白朮

黃芪炙

黃連

五味子

胡黃連各等分

右為末用前膏子丸梧桐子大每服五十丸食遠人參湯下

太上混元丹 治虛勞怯弱延年補損久服輕身健體不可盡述
 紫河車者天地之先陰陽之祖乾坤之橐籥鉛汞之匡廓胚暉
 符北九九數之我則載而乘之故謂河車歷驗篇中名之曰混
 沌皮非金石草木夜露曉霜之比倫脈之不輟誠以返本還
 元補益之道誠得其要

紫河車 一具米泔水洗淨去筋膜入射香一錢在內燒定
放砂鍋內入無灰酒五升慢火熬成膏子入藥

沉香 另研 朱砂 另研水飛 人參 肉蓯蓉 酒浸

白茯苓 三兩 乳香 另研 安息香 酒熬去砂
石各二兩

右為細末入河車膏和藥末杵千百下丸梧桐子大每服七丸
 空心沉香湯或溫酒送下若有病之人詳證增加之法具於後

男子真陽氣耗榮衛兩虛腰背疼痛自汗怔忡痰多喘咳夢遺

白濁潮熱心煩脚膝無力宜加後藥鹿茸 酒蒸 川巴戟 去心 鍾乳粉

煨陽起石 煨 附子 製 黃芪 蜜炒名 桑寄生 如無以
續斷代 生鹿角 鎊龍

骨紫苑 各一兩

婦人血氣虛損榮衛不足多致潮熱心煩口乾喜冷腹脇刺痛

腰腿痠疼痰多咳嗽驚悸怔忡經候不調或閉不通宜加當歸

酒斛 去根 紫石英 煨醋淬七
次水飛 柏子仁 微炒 鹿茸 酒蒸 鱉甲 醋炙各
二兩

卷柏葉 一兩 川牛膝 酒浸 嗽多加紫苑二兩

犀角紫河車丸 治傳屍三月必平復其餘勞證口數服愈

紫河車 一具用米泔水淨洗過
烙乾同衆藥磨為細末 鱉甲 醋炙 桔梗

胡黃連

芍藥

大黃

敗鼓皮心

醋炙

貝母

龍膽草

黃藥子

知母各二錢半

廣茂

犀角末

芒硝各錢半

朱砂二錢另研

右為末煉蜜丸梧桐子大朱砂為衣每服二十丸空心酒下

無比丸 治傳屍勞服至一月愈其餘勞瘦之疾數服取効

紫河車二兩煮醋浸一宿焙乾用

芍藥

鱉甲醋炙各半兩

桔梗

胡黃連

大黃煨

甘草炙

甘龍膽

苦參

黃藥子

秋石

知母各二錢半

貝母

豆豉炒

蓬木

芒硝

犀角屑各二錢

右為細末煉蜜丸梧桐子大每

服二十丸温酒送下如腸中執食前服兩上執食後服

奪命散 治前證

桃仁二十一枚去皮尖炒

甘草

人參各半兩

鱉甲

知母

天靈蓋醋浸一宿酥炙各一兩

青蒿

柴胡

阿魏四索子大

葱白一握

右以天靈蓋鱉甲為末次下人參知母柴胡甘草同搗次下葱白青蒿桃仁阿魏杵成餅一慢火焙乾為末秤二錢用童便二

盞煎一盞露一夜至五更二點暖服半盞服了衣被蓋卧天明又煖半盞服之扶病人強行五七步三日勿洗手面指頭候生

毛為驗每日早晨先飲白湯投之

龍膽丸 治積熱勞瘦不食熱壅瘡腫此藥解肌骨之熱散滯毒

龍膽草 柴胡 黃芩 鱉甲醋炙各一兩

桃仁去皮尖 山梔子 陳皮 當歸酒洗

大黃 甘草炙各半兩 右為細末煉蜜丸如梧桐子大

每服二十九空**心白湯送** 如小兒減九數服之

天竹黃飲子 治癆瘵

天竹黃 人參 茯苓 茯神各半兩

生地黃 遠志志 龍骨 防風

玄胡索各五錢 麥門冬去心二兩 大腹子七枚 犀角屑二錢

右咀每服七錢水二盞煎八分不拘時服忌一切毒物如治久

病服此藥先看十指毛色如藕白者可治紫黑色者難治

麝香散 治婦人室女一切蓄熱骨蒸及室女月經不行肌瘦熱

威靈仙四兩 乾漆一兩炒今烟盡 雄黃 麝香各二錢另研

右為末每服一大錢水半盞煎四分空心和查溫服當有惡穢

毒物下並是病根此藥難服或以蒸餅糊丸梧桐子大每服十

五丸至二十九茶湯任下次服**桃仁散**

桃仁散 桃仁一兩泡去皮尖麩炒黃色 赤茯苓一兩 芍藥

人參各一錢 陳皮去白七錢半 檳榔七箇 安息香

犀角屑各一錢半 麝香二錢

右為細末每服二錢水一鍾姜三片煎六分早晚食前服若取
下垂頭赤脈天竹黃飲子補護心藏未取垂須先服護心
輕骨散 治骨蒸勞熱

龍膽草 黃連 貝母 知母

鱉甲醋炙 烏梅 桔梗 秦艽

柴胡 人參 甘草炙 山梔子仁

青蒿酒煮 阿膠炒 杏仁去皮尖炒

右為末用好清煙墨一寸以井花水磨調前藥末作餅子如大
指頭大透風處陰乾二七日方用每服一餅井花水磨化又用
沒藥五錢磨成一盞於五更又用黃柏末二錢同煎數沸却入

盞內頻頻打轉於五更時輕輕起服了便睡令病人仰卧甚者
不過三服

蛤蚧散 治勞瘦

白茯苓炒 桑白皮酥炙 知母二兩醋炒 貝母同上

杏仁六兩泡去皮尖并雙仁者以單紙入鍋內炒乾入石臼搗為粉用皮紙包槌去油 甘草二兩槌碎醋酥炒

雌雄蛤蚧一對入醋酥內浸透慢火炙乾又浸五次炙令黃色勿焦黑為妙 人參一兩酥醋炒黃色

乳酥真者四十文切作餃子塊入銚內成汁再入米醋半斤和勻同炒前藥以乾為度

右為末每服二錢水一鍾煎七分食遠服忌油膩生冷毒物如
久患嗽者初服此藥聞嗽加甚服久則安

又方 治勞熱補肺損止嗽

蛤蚧一對醋酒浸炙 黃芩 秦艽 胡黃連

人參 青蒿 生地黃 熟地黃

甘草 柴胡 知母 貝母

麻黃 杏仁去皮尖炒 鱉甲各半兩 桔梗

龍膽草 木香各半兩 鱉甲散 補虛勞

每服七錢水二盞姜三片烏梅一箇棗一枚煎八分食遠服

鱉甲醋炙 當歸 赤芍藥 柴胡

桔梗 甘草炙 人參各一兩 麝香五分

杏仁去皮尖炒 胡黃連二錢 官桂半兩去粗皮不見火 地骨皮一錢

木香半兩 宣連一錢 真酥三兩 白砂蜜三兩

右為細末用青蒿一斤童便五升熬青蒿汁約二升濾去渣入

酥蜜再熬成膏候冷入藥末搜和為丸梧桐子大每服十五丸

溫酒下或米飲亦可日進三服如秋冬時更入桃柳心七箇與

後柴胡散煎服

柴胡散 補虛勞

柴胡 人參 茯苓 桔梗

芍藥 當歸酒浸 麥門冬 青皮

桑白皮 川芎 白朮 升麻

甘草炙各一兩

三

右為細末每服二錢水一盞煎七分通口連查服

又柴胡散 治童稚骨蒸熱及解傷寒后熱

柴胡 川大黃 乾漆炒烟 秦艽

甘草 常山各一 鱉甲三兩 醋炙

右咀每服一錢水一盞入小麥一撮煎七分不拘時冷服

百勞散 治骨蒸勞熱等證

天仙藤 當歸 川芎 芍藥

茯苓 人參 黃芪 知母

貝母 黃芩 五味子 地骨皮

柴胡 甘草 白芷 桔梗各等分

每服一兩水二盞姜三片煎八分食後服一方加秦艽前胡

灸法

崔氏四花六穴灸法見鍼灸門

專治男婦五勞七傷氣血虛弱骨蒸潮熱形容憔悴咳嗽痰喘
五心煩悶四肢困倦如諸風體弱諸氣疝羸久病痼疾形體虛
弱者並宜灸之

黃帝灸二十一種癆圖并序

夫人含靈受氣稟於五常攝之乖理降之大疾至若岐黃廣記抑
有六舊經法單行顯靈斯術骨蒸病者亦名傷風亦名殭痺亦名
伏連亦名無辜丈夫以元氣為根本婦人以血海為根源其病狀

也髮乾而短或聚或分或腹中有塊或腦門結核或夜卧盜汗夢
與鬼交雖目視分明而四肢無力上氣食少漸至在羸終延歲月
遂至殞滅余昔忝任路州司馬三十灸活一十二人前後瘥者數
通二百里至於狸骨獺肝徒聞曩說金牙銅鼻罕見其能未如此
方扶危救急非止單攻骨蒸兼亦療風或瘡或癆或邪或僻患狀
既廣灸愈亦多不可全錄聊述大槩又恐傳說訛謬以誤將來今
具圖形庶令覽者易於悉使所在流傳頗用家藏未暇明醫傍求
之業返魂還魄何難之有遇斯疾者可不謹哉

腎俞二穴

在第四椎下兩旁各一寸半上一馬對是穴治虛勞
耳聾腎虛水腫腰痛小便濁好獨卧身腫如水遺精
溺血五勞七傷脾膝
癆瘵針三分灸三壯

大椎一穴

在第一椎

膈俞二穴

在第七椎

膽俞二穴

在第十椎

三焦俞二穴

在第十椎

胃俞二穴

在第十椎

旋俞二穴

在第二椎

養生導引法

一法以兩手着頭相叉長氣即吐之坐地緩舒兩脚以兩子外抱
脚中疾低頭入膝中兩手交叉頭上十三通愈三屍也
一法叩齒二七過取咽氣二七如三百通乃止為之二十日邪氣
悉退六十日病小愈百日大病除三屍伏虫去肌膚光澤

易簡諸方

聖惠方 治虛煩骨蒸不得眠用酸棗仁一兩水二盞研絞汁下米二

合煮粥候熟下地黃汁一盞再煮不拘時食

又方 治虛勞嘔血嗽血吐血用大小薊根葉荷葉茅根等即十
灰散又以山藥五條蓮肉半斤晉棗一百枚霜柿十箇四味用
水四碗於砂鍋內煮熟搗碎却下前藥末和勻慢火再熬復下
阿膠四兩黃蠟二兩平胃散末四君子湯和知母黃柏末各一
兩搜和成劑如硬入蜜置青石上木槌打勻丸梧桐子大每服
一百丸棗湯下不拘時此藥不寒不燥治一切虛勞百損神効
又方 用鹿角霜一斤白茯苓四兩為末就用鹿角膠和丸梧桐子大
每服三五丸空心酒下甚補益

又方 治虛勞骨蒸用胡黃連蛇床子前胡各三錢獐猪膽一箇

脊髓一條童便水各一鍾煎八分再煎二次服四劑可愈

又方 治虛勞瘦熱用青蒿細剉水三升童便五升煎一升半去
渣熬成膏丸如梧桐子大空心卧時各以酒吞二十九或煎服
外臺秘要方 治骨蒸以生地黄搗取汁一斤入煉蜜四兩空心
滾白湯調下三錢以身涼為度若利減一匙

一方 治蒸病名曰內蒸所以言內者必外寒內熱以手附骨而
熱甚者其根在五藏六府之中必因患後得之內脫飲食無味
皮燥而無光蒸盛之時四肢漸細足趺腫起以石膏十兩研如
乳粉法每服一錢不拘時水調以身涼為度

一方 治癆瘵以赤苑兒俗名王瓜焙乾為末酒調二錢服

一方治骨蒸勞熱以桃仁一百二十枚泡去皮及雙仁者留尖杵為丸平旦井花水頓服盡服訖量性飲酒冷醉仍須吃水能多最精馮日又服一劑百十日不許食肉

一方治五蒸平旦涼至晚煩躁飲食無味細喘小氣兩足逆冷手心勞熱變疔則蝕人五歲大便或澀用芒硝五兩為末每服三錢滾米飲入煉蜜一匙調下日二服

一方用芒硝二兩苦參末二兩蜜丸梧桐子大每服七丸米湯下以身涼為度

一方用胡黃連為末每服一錢蜜湯調下

崔元亮海上方治癆瘵骨蒸鬼氣取童子小便五大斗澄過青

蒿五斗八九月帶子採來細剉二物相合入大金中以猛火煎取三斗去渣淨洗釜乾再傾汁於釜中以微火煎至二斗取猪膽十枚相合再煎至一斗半除火待冷以新磁器盛每欲服取甘草二三兩炙熟搗為末調蒿汁膏搗干杵為丸梧桐子大每服二十丸空心米湯下增至三四十丸亦可

黃狗肉丸治男子婦人虛勞體熱盜汗四肢倦怠用肥中黃狗

一隻去腸藏皮毛用內外腎研入砂鍋內酒醋八分水二分地

骨皮一斤前胡黃芪各四兩茯苓二兩同狗肉自朝煮至暮將藥去肉

再煮一宿至明早去頭骨再煮如泥入石器內細搗入當歸末

四蓮肉一斤平胃散二斤和狗肉杵干下丸如梧桐子大每服五十

九空心鹽酒送下

一方 治虛勞用杏仁斤去皮尖生姜六兩剉碎咳嗽加人參兩同入砂鍋內河水一斗以文武火熬水盡為度去姜參香每服杏仁五七枚或二十枚細嚼頻頻服之

一方 治骨蒸勞熱飲食不為肌肉自汗盜汗日夜俱熱者難治日夜間熱者易愈用羚羊角末二錢溫水調下

一方 治骨蒸勞及痔漏腸風下重血用鱧魚酒醋五味煮食亦治心疼

一方 治傳屍勞瘵用童便二盞無灰酒一盞以新磁器盛之取猪腰子一對入瓶內封固瓶口日晚用重湯煮之至中夜止待

五更以火溫之乘熱任意飲酒食睡字病危者一月見効平日

瘦怯者可服此蓋以血養血勝金石草木之藥也

一方 用雄黃兩為末松脂兩溶化和丸如蓮子大平日吞丸

七日三屍盡去

凡聲音門

病機

聲音敘論

經曰內奪而厥則為瘖能皆腎虛也能廢也

素問奇病篇帝曰人有重身九月而瘖此為何也岐伯曰胞之絡

脉絕也帝曰何以言之岐伯曰胞絡者繫於腎少陰之脉貫腎繫

舌本故不能言帝曰治之柰何岐伯曰無治也當十月復
聲音者內關五藏其為病也因於六氣金匱真言論曰東方青色
通入於肝其音角其聲呼南方赤色入通於心其音徵其聲笑中
央黃色入通於脾其音宮其聲歌西方白色入通於肺其音商其
聲哭北方黑色入通於腎其音羽其聲呻此所以聲音通於五藏
者也直指云心為聲音之主肺為聲音之門腎為聲音之根此特
言其所重者舌為心之苗心病舌不能轉則不能語言暴病者尚
可醫治久病者不可治也而心為聲音之主者此也肺者屬金主
清肅外司皮膚風寒外感者熱鬱於內則肺金不清咳嗽而聲啞
故肺為聲音之門者此也腎者人身之根本元氣發生之主也腎

氣一虧則元氣衰弱而語音者有之經曰言而微終日乃復言者
此奪氣也錢氏方小兒吐瀉利小便過多以致脾虛不飲食用蓋
元散作効數日後忽尔不語錢氏知其脾氣已復腎氣尚虛投以
地黄丸益腎相繼數劑遂能言於是益信聲音之根出於腎也不誣
音瘖為火者多

原病式曰暴瘖冒昧皆屬於火暴瘖卒啞也肺屬金而主聲故五
行惟金响金應於乾乾為天天為陽為健為動金本燥為涸為收
為斂為勁切為剛潔故諸能鳴者無越此也凡諸發語聲者由其
形氣之鼓擊也水實制火火不剋金金能鳴也其為物寒則能鳴
者此也其或火旺水虧熱乘肺金而神濁氣鬱則暴瘖無聲也冒

古今醫統卷之四十六
二六
昧昏冒昏暗也氣神則神濁冒昧火之象也

聲音病分三因

有內熱痰鬱窒塞肺金而聲啞及不出者及有咳嗽久遠傷氣而散者此內因也有外受風寒腠理閉塞束內鬱嗽而聲啞三物之類此外因也又有忽暴吸風卒然聲不出者亦外因也有因爭兢大聲號叫以致失聲或因歌唱傷氣而聲不出此不內外因也養息自愈

六淫之氣並干於聲音

風寒燥熱致聲不清者人共知之暑濕相干者鮮有知也經曰因於濕首如裹聲如從室中言此中氣之濕也直指云風寒暑濕燥

火痰氣有干於心肺者病在上腕隨證解之邪氣散則天籟鳴矣惟夫腎虛為病不能納諸氣以歸元故氣奔而上咳嗽痰壅或喘或脹之冷骨痠胃腹百骸俱為之牽掣其嗽愈重其氣愈乏其聲愈乾君子當於受病之處圖之可也

脉候

脉沉清聲不出者為鬱○脉浮緊為寒束聲啞○洪大為火○脉滑為痰○脉沉伏久病聲不出者難治

治法

治暴失音用子和三法速効

風寒咳嗽失音者三拗湯主之熱痰壅盛聲不出者鹽湯探吐之

大府秘結上下不通聲氣不出者大柴胡湯下之此皆切於病證其効如響應也

治久病聲啞宜補元氣自開

凡病人久嗽聲啞乃是元氣不足肺氣不滋宜補氣養金潤燥其聲自亮若虛勞之人則宜滋腎水潤肺金為本訶子白藥煎收斂以治其標標本兼治此十全也○久病人不語為心氣絕者死

藥方

通聲散劑

三拗湯

治風寒邪鬱咳嗽失音方見咳嗽門

金蕪草散

同上

二物湯

治風寒邪氣留滯失音

薄桂 二錢

石菖蒲 一錢

右咀新水煎細呷

荊芥湯 失音通用

荊芥穗

紫蘇葉

陳皮

木通

當歸

薄桂

石菖蒲

各等分

每服四錢煎服

和不換金正氣散 方見寒門

有濕證聲啞加茵陳石菖蒲有寒加薄桂

小柴胡湯

方見傷寒門

治伏暑發熱汗渴水入心胞不語

木通湯 治諸風失音

木通

石菖蒲

防風

羌活

全蝎 焙

桑螵蛸

直僵蚕 炒

炙甘草 各一分

南星

畧炒半兩

右咀每服三錢姜五片蘇葉五片煎服

痰鬱失音諸劑

局二陳湯見痰門加石菖蒲入竹瀝竹茹服或吞白丸子

直姜橘飲 治風痰風毒纏喉不語

南星 畧炮半兩

生姜 四兩

橘皮 三錢

右咀每服三錢紫蘓五葉煎服

醫玉粉丸 治冬月寒痰結於咽喉不利語音不出鍼經云寒氣客

於會厭卒如啞宜服此藥

桂心

草烏 各一字

半夏 泡五錢

右為細末姜汁

浸蒸餅為丸如雞頭大每服一丸至夜含化多年不愈者亦效

竹瀝道痰湯 方見痰門治痰盛聲啞用道痰湯煎熟加竹瀝一盃姜汁

一匙和勻溫服細呷

隱痰丸 治証同前臨卧用訶子甘桔湯吞下五六十九

火勝金虧失聲諸劑

醫訶子甘桔湯 治火盛失音

訶子 四箇半生半煨

桔梗 一兩五錢半生半炒 甘草 二寸半生半炙

右咀分二服每服水一盃童便一盃煎八分食後溫服

醫嚮勝破笛丸 治謳歌動火失音不語者服之神效

連翹

桔梗

甘草 各二兩半

薄荷葉 四兩

訶子 煨

砂仁

大黃 酒蒸各一兩

川芎 兩半

百藥煎 二兩

右為細末雞子清和丸彈子大臨卧噙化一丸

犀角地黄湯 治熱入血室心忪不語眩冒迷忘

生地黃 四兩

犀角

牡丹皮

芍藥 各半

右咀每服四錢入桃仁去皮尖七粒煎服

朱砂 方見血明

治跌打驚忤血入心竅不語

秘方竹衣麥冬湯 治一切痰嗽癆瘵聲啞不可救者服之神效

竹衣 一錢用金竹鮮者劈開揭取竹內衣膜竹取瀝

竹茹 一丸彈子大即將取衣竹割取青皮是也

竹瀝 即將取衣茹金竹依製法取之

麥門冬 去心二錢

甘草 五分

陳皮 去白五分

白茯苓

桔梗 各一錢

杏仁 去皮尖七粒研

右咀水盞半竹葉七箇煎七分入竹瀝一盃和勻溫服

醫杏仁煎 治咳嗽暴重聲音不出

杏仁 泡去皮尖研如泥 冬蜜

姜汁

砂糖 各一

桑白皮 去赤衣炒 木通

貝母

北五味子

紫苑茸 各一兩

石菖蒲 半兩

款冬花蕊

右咀水五升煎半去渣入杏姜糖蜜合和微火煎取一升半每

服三合兩日夜服之

百合 治失聲不語

百合

百藥煎

杏仁 去皮

訶子

薏苡仁 各等分

右為末雞子清和丸彈子大臨卧噙化一丸

金花散 治失聲亦治喉痺

槐花

新瓦上炒令香熟三更後隊上要仰臥隨意食之熱證通用聲即開

人參平補湯 治腎虛聲不出

人參

川芎

當歸

熟地黄 酒洗

白芍藥

白茯苓

兔絲子 製

北五味子

杜仲 製

白朮

巴戟 去心

橘紅

半夏 麩炒

牛膝 酒浸

破故紙 炒

益智仁

胡蘆巴 炒

甘草 炙各二錢

石菖蒲 錢半

右咀每服三錢姜五片棗二枚煎吞山藥丸七十粒 方見濁門

五更頭腎氣開不得咳嗽言話默然再進上藥功效勝常

治蠶桃仁湯 治狐惑重食其藏上唇瘡其聲啞

桃仁 泡去皮炒

槐花子

艾葉 各一兩

大棗 十五枚

右水三盞煎一盞半分三次服

蜜佗僧散 方見驚悸門 治大驚入心痰血窒塞瘖不能言亦治瘖風

三七氣湯 方見氣門 加枳殼甘草治氣高聲沉

良方通聲煎 治咳嗽氣促胸中滿悶語音不出

杏仁 一升去皮尖炒另研 人參

五味子

款冬花

桂心

木通

菖蒲

竹茹 各二升

細辛 各二兩

白蜜

生姜汁 各二升

棗肉

酥 各二兩

右咀水五升煎五七沸內酥蜜姜棗再煎令稀

稠得所每服一匙溫酒小盞化下一方不用酒窩化

易簡諸方

三十五 醫方統志卷之四十六

二十六

古今醫統大全卷之四十六
一方 治纏喉風聲不出用龍花薄荷葉各等分為細末煉蜜丸如彈子大每服一丸臨睡噙化

一方 治失聲不出用蘿蔔搗自然汁入姜汁少許時時飲之

一方 用蜜陀僧為極細末每服一錢點茶飲之聲即出

一方 用皂角一條去皮子蘿蔔三枚煎服數次聲則出

一方 治風冷寒鬱失音用桂心為末頻放舌下漸漸噉汁聲出

一方 治無故咽喉聲音不出橘皮五兩水三升煮一升頓服効

一方 治卒啞用杏仁三分去皮煎熬別杵桂一分和搗如泥每

用杏核大綿裹噉細細噉之日三夜五

古今醫統大全卷之四十六 終

古今醫統大全卷四十七

○虛煩門

病機

虛煩敘論

經曰因於暑汗煩則喘喝大聲也靜則多言體若燔炭汗出而散

五藏生成篇曰心煩頭痛病在膈中過在手巨陽少陰

脉要精微篇曰諸浮不燥者皆在陽則為熱其有燥者在手言熱在手

之三陽經

玉機真藏篇曰心脉者南方火其氣來不盛去反盛此謂不及病

在中則令人煩心上見咳唾下為氣泄 又曰數則煩心

古今醫經卷之四十一
虛煩病多是正氣不足陰虛火窒得之

袖診云虛煩之病非止一端究其大槩多是體虛者也攝養有乖榮衛不調使陰陽二氣有所偏勝或陰虛而陽盛或陰盛而陽虛經云陽虛則外寒陰虛則內熱陽盛則外熱陰盛則內寒此固不易之論而今虛煩之病多是陰虛生內熱所致如虛勞之人腎水有虧心火內蒸其煩必燥吐瀉之後津液枯竭煩而有渴惟傷寒及大病後多有虛煩之證却無霍亂臨病之際又宜審之治法宜用平和之藥清心實下不可峻用補藥又若婦人產後去血過多虛煩發熱又當以各類求之煩躁甚者內外不安反覆傾倒謂之懊懷詳見傷寒門

脈候

脈數為煩心

大病後煩躁甚脈急數者不治

脈沉而不急者為虛煩

左手脈瀯為血少心煩

脈浮大而緩者生

傷寒脈最詳備煩躁者審之

治法

治煩躁宜用清淡藥

煩躁病有陰有陽有虛有實者緩藥治之則恐助其邪若遽瀉之則反虛其本所以宜乎清平淡滲如五苓散竹葉湯之類則無顛覆之凶而有中行之吉用此而不奏效者又當察其始病與既病先後之虛實而治之効斯得矣

煩躁甚者究其已病未病之源

治煩躁病用清藥不効必究其未病者多是邪氣相干要分表裏
汗下若病後心煩多是虛證宜人參竹茹湯酸棗仁湯之屬已無
吐汗下者有補陽益陰退陰復陽之法當於傷寒門煩躁證內求
之萬無一失

發熱下利手足厥逆躁而不得卧者五苓散治之不効者必死

虛煩證多因病後得須憑脉處治

虛煩之證雖屬於腎水竭而心火盛或因寒邪據體或因誤治無
端或因煩勞過損或因久病不愈其類不一要皆耗傷真元而虛
火炎上故煩熱發於心而躁熱根於腎煩者躁所起躁者煩所生

厥冷脉沉反生煩渴者何也內傷元氣外感寒邪故寒邪入藏伏
於至陰邪氣相持從善所化津液枯涸故六脉沉遲口苦舌乾反
生煩渴治宜乾薑附子之劑復陰回陽苟榮衛失調亢煩復起有
症相似而脉沉數大便秘結治宜三承氣湯下之如大患之後厥
冷煩躁過甚六脉無應醫難治之有表邪失治變生虛煩何也先
因寒邪所折汗未能周妄行攻治致其蓄熱上升而成煩渴之證
宜以中和湯和肌開表次用消煩之劑隨證治之有汗下後大煩
渴何也表虛為寒所折本當和解反過汗下故六脉洪數表裏俱
熱而不惡寒腠理開竅汗泄不已津液衰少煩渴過甚宜以竹葉
石膏湯或梔子升麻湯人參白虎湯選而用之

有大熱反惡寒煩渴不已發汗無効治熱無功何也寒邪入藏陰
不達陽寒蓄於內熱邪在府陽不和陰熱荒於外故陽亢則生熱
甚則生煩宜以陰旦湯通和表裏次用消渴之劑隨證治之
虛勞者寒邪達入誤治諸經真元耗散氣血俱虛身熱煩躁神舍
失安不能眠卧以梔子豆豉湯治之寒邪蓄滯於陰陰不越陽上
盛下虛身涼無熱手足微溫大便自利而煩渴以竹葉石膏湯去
石膏加附子治寒邪發散未盡脉浮身熱欲喜飲水而成積滯故
溫熱上升而反見煩渴以猪苓湯先疎導之以止煩渴而和之虛
勞者素多飲酒或傷寒邪積熱膀胱謬為汗利亡其津液小便短
少大熱煩躁以青龍湯去半夏重加天花粉通和表裏而解煩躁

不可投用五苓散之劑

治虛煩證有用寒涼之劑治熱愈熱治煩愈煩何也體弱之人內
損元氣外感風寒或由汗下過傷則元氣多虛寒邪內鼓虛火上
炎六脉洪數浮而無力舉之有餘按之不足是為陽虛若復用寒
涼之藥則脾胃受傷而虛者益虛矣宜以獨參湯和平益氣次用
人參黃耆湯調下五苓散清利之熱退陽生虛煩息矣

藥方

通治虛煩劑

和五苓散 治煩熱而渴 方見傷寒門

和辰砂妙香散 治心氣不足精神恍惚虛煩少睡 方見健忘門

三竹茹湯 治心虛煩悶頭痛氣短內熱不解心中擾擾及婦人產後心虛驚悸煩悶

麥門冬 去心

小麥 炒二錢七分半

甘草 炙一錢

人參

白茯苓 各二錢半

半夏 製二錢

右咀作二服每服水二盞姜三

片棗一枚竹茹一塊煎八分食遠服

生濟

小草湯 治虛勞憂思過度遺精白濁虛煩不安

小草

黃耆

當歸 酒浸

麥門冬 去心

酸棗仁

石斛 各一兩

人參

甘草 炙五錢

右咀每服四錢水一盞姜五片煎八分不拘時服

三

橘皮湯 治動氣在下不可發汗發之及無汗心中煩骨節疼痛

目眩惡寒食反嘔逆穀不得入宜服此

橘皮 一兩半

甘草

人參 二錢半

竹茹 半兩

右咀每服四錢姜三片棗一枚水鍾半煎七分空心服

三

人參竹茹湯 治胃口有熱嘔吐逆虛煩不安

人參

半夏

竹茹 各一兩

右咀作六劑每劑水一盞半姜三片煎八分溫服

醫

酸棗仁湯 治霍亂吐下增劇虛勞煩擾奔氣在胸中不得眠或

發寒熱頭疼暈悶

酸棗仁 一兩炒

人參

桂心 各一錢

知母

茯苓 各三錢

石膏 煨半兩

甘草 炙二錢

右咀每服七錢水二盞姜三片棗一枚煎八分食前服

人參竹葉湯 治汗下後表裏虛煩不可攻者

竹葉

人參

甘草 各一兩

半夏 二兩

石膏

麥門冬 各五兩

右咀每服四錢水盞半姜五片粳米一撮煎七分空心服

竹茹麥門冬湯 治大病後表裏俱虛內無津液煩渴心躁及諸

虛煩熱與傷寒相似但不惡寒身不痛不可汗宜此

淡竹茹

麥門冬 等分

右咀每服七錢水二鍾煎八分不拘時服

竹葉石膏湯

治前證 方見傷寒門

溫膽湯 方見驚悸門

治大病後虛煩不得卧直心經虛怯觸事易驚

短氣時悸或復自汗並服之

竹葉湯 治大病後及霍亂吐瀉後虛煩悶內熱不解

竹葉

人參

麥門冬 去心

半夏 各二錢半

甘草 各五分

右咀每服四錢水二盞姜五片煎八分食遠服

地仙散 治諸病後煩熱不安及虛勞煩躁

地骨皮 一兩

防風 五錢

甘草 二錢

右咀作二服每服水二鍾姜五片煎八分食遠服

清心蓮子飲

治中心蘊熱虛煩 方見遺精門

黃連阿膠湯

治陰虛邪盛熱煩於內不得眠者扶陰散 方見傷寒門

乾薑附子甘草湯 治煩躁脉沉微而不渴者 方見傷寒門

易簡諸方

聖惠方 治夜不得眠酸棗仁半兩炒黃芩末酒三合浸汁先以粳

米三合煮作粥臨熟下棗仁汁更煮三五沸空心食之効

一方 治膽虛睡卧不安心中驚悸用棗仁兩炒香熟搗細為末

每服二錢竹葉湯調下不拘時服

一方 治發汗不得心中大煩骨節疼痛嘔逆穀不入用人參少

陳皮二錢甘草竹茹各一錢加姜棗水煎空心服

一方 治男婦虛煩不眠用竹瀝一升水四升茯苓三兩同煎取

二升分三服

一方 治大病後晝夜虛煩不睡心中多驚用酸棗仁榆白皮等

分為末煎汁温服

一方 治心煩用白朮末水調五分七服

一方 治煩不睡用榆白皮陰乾為末每日朝夜用水五合末三

錢煎如膏服兼治勣五淋

肘後方 從早夜連時不得眠暮以新布火炙以熨目并蒸大豆

更番囊盛枕冷後更易執終夜常枕執立愈

食醫心鏡 治心中煩悶此能益氣力止渴苦笋熟者任意食之

又苦竹筍煮食治消渴利水道下氣理風熱脚氣取蒸熟食之

古今醫統大全卷之四十七 終

古今醫統大全卷之四十七

